

MU BUSYU BWAKWE

 Nda kulumba, Mukwesu Neville, Mwami aku longezye cabuvubi kapati.

Elyo kwasiya kabotu, beenzuma. Ncoolwe cipati kujokela omuno mu buyake obu alubo sunumasiku, a kulimvwa Busyu buta kakilwi ibwa Mwami wesu, mbuli Mbwa kapa cisyomezyo. Elyo lino, Ndi lizi kuti bunji bwanu mwaonena Mulumbe muniini sunumasiku, oko Nkwe lumbide kapati. Elyo bunji bwanu mu ceelede kweenzya kulaale sunumasiku, kusika ku ng'anda. Bamwi bazwa mu mahotela anu, mbuli Mbwe mvwa. Elyo ta tuko mujata kwa ciindi cilamfu pe, aboobo nke kaambo twa fwambaana kunjila kutegwa tu konzya kuzwa kufwambaana.

² Elyo lino tula cita, cakufwambaana buyo mbuli Mbwe konzya, Ndila ambilizya cindi ndiza twa talika, Nda jisi kutuminwa masikati aya, mukuziba kuti cindi twa katalika aa mabbuku aya, na aya macapita. Elyo Ndi yeeya kuti, ikuti na Mwami wayanda, Ndi yanda kuyo bweza, ciindi citobela nco tu talika, aa Zinamatizyo zili Ciloba zya Ciybunuzyo, a zinamatizyo zili ciloba zyabulenge. Elyo, mpawo ikuti na twa manizya mu ciindi, kubweze zinamatizyo zili ciloba zili kusule ly a Bbuku, mwabona. Lino, eco inga catola ciindi ciniini. Mwabona, kuli zinamatizyo zili ciloba zya kajulwa; nzeezyo zipenzyo zili ciloba, myeembo ili ciloba, zyoonse ezyo zili ciloba; alimwi zyalo zinamatizyo nzo tukonzya kubweza lutaanzni. Pele mpawo kusule ly a Bbuku lili namatikidwe a zinamatizyo zili ciloba. Daniele wakamvwa majwi, minzumo, alimwi wa kakasigwa kucilemba. Johane waka kasigwa kucilemba. Pele lyaka namatikwa Bbuku kusule, nkuti, kumane maseseke oonse aa Bbuku aka pegwa a kuyubununwa. Nywebo mula bona Daniele wakati awo, “I maseseke mu mazuba aa majwi aya, maseseke aa Leza eelede kuvungululwa kwiinda ku ciindi eco.” Mwabona, “meseseke,” obo Leza mbwabede, nzila Mbwa kaba mu mibili wabantu, zintu ezi zyoonse zyeelede kuvungululwa kwiinda ku ciindi eco. Elyo mpawo—mpawo tuli libambilide ku Zinamatizyo zili Ciloba kusule ly a Bbuku, eco akwalo zitayubunwidwe ku muntu, kutali akwalo kulembwa mu Bbaibbele, pele zyeelede kuyo konzyanya mbubonya buyo a Bbaibbele limwi, elyo Ndi yeeya kuti ciyooba cintu cipati.

³ Aboobo lino tuyu soleka kubinda kumanizya. Nda lumba umwi aumwi wanu ku luse a busyu bwanu, a—a zyoonse nzo mwa kacita, twa mulumba maningi. Elyo lino Nda—Nda syoma kuti ta tukomujata kwa ciindi cilamfu sunumasiku, nkaambo muli basicamba loko ku kukkala, akwiimikila.

Mukaintu wangu wakati kusule okuya, waa kali kwaambaula busiku bwainda, waa kati, "Nda bona banakazi akwalo bamibili mipati baneneede, kabaimvwi alya, a zisani zyabo kazyoonyana cakuteta, kabaimvwi alya, kaba mvwisya ncobeni Ijwi lyoonse." Ako nkekaambo Nce yanda kukkanila kunsi lya bunanike bwa Muuya Uusalala, nkuti cindi wayutuka waambila bantu Kasimpe kasyomeka, mwabona, akutali cintu cimbi cita Kasimpe. Elyo mpawo bala konzya kujatilila ali Ceeco nkabela ciyooba kaboutu.

⁴ Lino Ndi yanda kulomba kulilekelela kwanu kwa kaindi kasyoonto. Nda zwa kufwambaana cifumo cino. Alimwi mateepu alizimide ku ciindi ecino, alimwii Ndi—Ndili mu kaind kukuti Nda ambila basikulekkoda cindi ca kuyasya teepu. Ndi yanda kumanizya *Kkauntidauni*, kwa maminiti osanwe ali njiyo, ka Ndi tana inka. Nda luba a kuunka, Nda bwezegwa maningi kuseeni okuno kusikila Nda zwa kakutakwe kwaamba cili conse kujatikizya ncico. Pele, Nda banga ndamusiya, "Ya kali nzi kkauntidauni?" Mwabona? Ndi lizi kuti tuli mu kkauntidauni, pele niinzi kkauntidauni? Mwabona? Ikuti na tozyi kkauntidauni nco yaamba, mpawo uno baanga kulinyongene. Elyo aboobo Ndi—Ndi yanda ku—ku gwisyia ceeco, buyo, akutona kuba mu bwaambe mbubonya kuti Nda keelede kumanizya eyi teepu lino, kutegwa teepu yazwa, *Kkauntidauni*. Lino nyoonse mula ndijatila kwa kaindi buyo kaniini, elyo Ndi yanda kumanizya teepu eyo. Sa mula cicita kwa kaindi kaniini, mpawo tula talikila ali imbi? [Mbunga yaamba "Ameni."—Mul.] Elyo lino—lino mateepu rekkoda, ikuti na muyo cita, amutyanke aa teepu yanu lino. [Kabeela katakwecintu aa teepu—Mul.]

[Mukwesu Branham wapandulula mu paragirafu 4-5 eyo nja kanjizya mu cibeela eci citako mu nkambauko yakwe eyi ya kuseeni iitegwa *Kkauntidauni*, mbuli maparagirafu 106-111—Mul.]

⁵ Kuboola buyo kuzwa ku masena aandeene, alimwi twa kajisi ciindi cipati mu milumbe yotatwe yamanano, zya kukanana aa ciiyo ca—ca njiisyo zyandeene a zimwi zimbi ezyo nzyo twaka bikka. Ndi yeeya buyo ku ciindi eci Nde elede kupa mwaakwe muniini omuya, nywebo nobantu bali ku teepu, ku kucinca mateepu anu. Ndila mwaambila cindi kwabambwa kuyasya. Ncibotu. Lino, Nde elede kulangilila ceeci. Kuli bonya mbuli cikama ca basitulengwa bakapangwa, pele balo balombe beelede kujana teepu. Elyo taba konzyi kwiinyonganya yoonse; ikuti bacita, bantu kumasena taba kaimvwisyi. Aboobo tweelede kucinjizya mu ciyanza eci. Elyo ikuti na muntuumwi uyo zwa mu kaanda a kundi zibya alya, Junior, cindi bali bambila kuba a mateepu akalanduka. Nda lumba maningi, nobantu, Nda amba alubo, ku luse lwatu loonse a zintuzyonse. Yaa, twa libambilalino, inga mwaayasya ali ngawo.

⁶ I Mwami amu longezye. Tuli kkomene kuba omuno mu cikombelo alubo sunumasiku. I busena bwakaatide bantu banji kabaimvwi koonse alubo sunumasiku, a mazuba otatwe aa... na ziindi zyotatwe zya kuswaangana. Inga ndalomba uli onse uswiilila ku teepu eyi, kuti ba yanda kujoka akujana teepu ya masiku ainda. Amu cilangelange mu ng'anda yanu. Calo i-i cibeela calino ca mulimo oyo Mwami ngwa kandipa. Kapati inga Nda yanda bakutausi kumvwa eyo ka Ndi tana swaya mambungano abo a kunjila mu maanda abo. Lino Ndi yanda kuti balo ba—ba jane eyo. Lino, kuseeni oku twa kanana aa ciiyo ca *Kkauntidauni*, Mbungano ili libambilide kuunka.

⁷ Elyo lino sunumasiku, Leza nawayanda, tu kanana aa ciiyo ca *Mu Busyu Bwakwe*. Elyo, oh, obo mbo tulumba Leza ku coolwe eco cakuti inga twa njila mu Busyu Bwakwe. Pele, lutaanzi, Ndi yanda kuti muvunune mu Mabbaibbele anu a ndime ku musinsimi Isaya, cipati ca 6 ica musinsimi Isaya. Toonse tu lizi kuti Isaya wakali musinsimi mupati, alimwi umwi wa basinsimi bapati ba buzuba bwakwe. Wa kagozya buumi bwakwe kwiinda muku zapaulwa a maha, ku bumboni, mbuli sikujailwa lusyomo lwakwe ku nguzu zya Leza Singuzuzyonse. Mu Bbuku lya Isaya, cipati ca 6, Nda talikila aa kampango ka 5, ku kubala. "Mpawo Nda kati, 'Maawe kuli ndime!' Nkambo..." Ndiza Ndi talika a kampango ka 1. Atu ndijatile kwakaindi kaniini. Atu talikila aa kampango ka 1 a kubala mane kutandila kampango ka 8.

Mu mwaka ulya mwaami Uziya nakafwa Nda kabona akwalo Mwami kakkede aa cuuno cabwami, kasumpwidwe loko, nkabela malongwe aakwe akazuza itempele.

Atala lya ndilyo kwa kaimvwi ba serafimu: umwi aumwi kajisi mababa ali cisambomwe; a obilo wakavumbide kumeso aakwe, alimwi obilo wakavumba matende aakwe, elyo obilo ngaakali kuulusya.

Elyo umwi wakoompolola kuli umbi, a kuti, Uusalala, uusalala, uusalala, walo MWAMI Leza wa makamu: elyo nyika yoonse izwide bulemu bwakwe.

Elyo zikunguzyo zya mulyango zyaka zungaana ku jwi lyakwe oyo wakoompolola, nkabela ng'anda yaka zula busi.

Mpawo Nda kati, Maawe kuli ndime! nkambo Nda nyonyooka; nkaambo Ndili muntu wa milomo iitasalali, alimwi Ndi kkala akati ka... bantu ba milomo iitasalali: nkambo meso angu abona Mwaami, MWAMI wa makamu.

Mpawo kwa kauluka umwi waba Serafimu kuli ndime, kajisi kkala liyaka mulilo mu janza lyakwe, elyo ndya kabweza kubelesya lumano kuzwa ku cipaililo:

*Elyo wa lyaampya ku mulomo wangu, a kwaamba,
Bona, eci ca ampa milomo yako; elyo milandu yako
yamana, a cibi cako ca salazigwa.*

*Akwalo Nda kamviwa jwi lya Mwami, kaliti, Nguni
ngo Ndiyo tuma, alimwi nguni uta twi inkile? Mpawo
Nda kati, Mpaawa Mpendi; kondi tuma.*

⁸ Akube kuti Mwami alongezye Ijwi Lyakwe. Ndi yeeya kuti
olo Ndugwalo lubotelezya kapati. Tu jana kuti, mu Busyu bwa
Leza, bantu balaliziba lwabo kuba basizibi. Inga twa limvwa
kabotu loko cindi twa nooli anze ku masena aindene, a kulimvwa
mbuli kuti tuli bantu babotu kapati, pele cindi twa sola kuboola
mu Busyu bwa Leza, mpawo tula bona obo mbotuli baniini.

⁹ Nkeimvwi kutali ciindi cilamfu cakainda a—a mweenzuma
wangu kuti Nda kajisi coolwe ca kusololela kuli Kristo, Bert
Call, kutala mu New Hampshire, sikuvwima ma, twa kalimvwi
munsi lya Cold Brook Falls kutala mu Adirodack, alimwi wakali
namutitima mupati nconzyo. Nda katola mukwasyi wangu
mwaka wainda kutala okuya kuyo ubona. Kulaale kuzwa mu
mugwagwa, weelede kutanta moota kujoka kuli nguwo. Elyo
cindi twa kabona maanzi ayo aa bbulu grini kaatika a nguzu
zipati kuzwa mu malundu, a kupoomokela ansi lya myaala,
Bert wakaimikila alya akundi langa, elyo wa kati, “Gee, Billy,
cibamba muntu kulimvwa kuubauka mbuli *obo*,” wa keeleka
kutandila kkota ya inci aa minwe yakwe. Elyo Nda kati, “Mbo
mbubo, Bert.” Lino, nku koonse nkvakazi kunjila mu Busyu bwa
Leza, kubona bulenge Bwakwe.

¹⁰ Nda libuzya muntu wakalemba kuti *Obo Mbili Mulemu*,
ikuti na ta kalangumana busiku bumwi akulanga nyenyezi,
obo mbo zili kule! Ii myeezi misyoonto yainda, Mukwesu Fred,
Mukwesu Wood a Ndime, twa kaimvwi a Mukwesu Mc Anally
mu lukula lwa Arizona, twa kali kweeleka, kusola, nyenyezi
yomwe, obo mbo yakali munsi kuli imbi. Alimwi a mamilioni
a mabbilioni amamaile kutantamuka, tiiba kalanga kkota ya
inchi kuzwa uli imwi aimwi. Mpawo twa talika kuyeyea,
kweendelana ku cizibyo casayaansi kuli ceeco, ezyo nyenyezi
antela kazitantamukide loko kuzwa kuli imwi aimwi kwinda
mbo tutantamukide kuli nzizyo. Mwabona mbo cibede na?

¹¹ Mpawo tula mvwisya nzila mbo tuli baniini cindi twa
mvwisya Mbwali mulemu, a nzila mbo tuli munsi kunjila mu
kuboola ku Busyu Bwakwe. Kubumwi, a bumbi, kwa kaleta
nguzu zipati aa bantu ku kunjila mu Busyu bwa Leza. Nda
kabona ciindi mu mulimo wangu cindi nobona Busyu bwa
Leza kabunjila mu busena buli boobo kuti inga caleta muntu
a kuyubununa buyo buumi kuli mbabo, a kwiita zibi zyabo zya
misyobo yoonse ya micito yabwaamu, alimwi kuleta kubatama
kusalala akati ka bantu kusikila balazwa mu mundando wa
mipailo kabatana kusola kusika kukombelwa, a kuzuza ku

cipaililo a kululama kuli Leza kabatana kusika mu Busyu Bwakwe. Mwabona, kuli cintucimwi kujatikizya kuboola mu Busyu bwa Leza, ku leta zintu kucitika. Nda kabona bantu kaba lede mu tulo a zibwezelo.

¹² Busiku obo kunselelo okuya ku Mexico, cindi oyo muvwanda muniini wakafwide kalede kensi lya ngubo, oyo mutumbu muna Spanishi ngwa kaleta, na mutumbu muniini muna Mexico, mubwini, ngwa kaleta. Cindi niba kabona, zyuulu zinji zya bantu abo bakabona, ndiza bali zyuulu zili makumi osanwe na makumi ali ciloba aosanwe ku kubungana komwe, kabona muvwanda oyo muniini uufwide kaboola ku buumi, banakazi bakawizuka, bantu baka waala maanza abo a kukwiila. Nkaambonzi? Ba kaziba kuti muntunsi takali kukonzya kucita eco, kuti bakali mu Busyu bwa Leza Singuzuzyoonse. Elyo cakaleta cintucimwi kucitika.

¹³ Nda kali acoolwe kumvwa bantu banaleza kaba kanana. Kwa kaambwa ciindi cimwi kujatikizya Charles Finney, mulombwana muubauba loko, wataali kulema kwinda kutandila mapaudhi ali mwaanda a kkumi, pele wa kajisi nzila yanguzu ya kwaambaula kusikila... Wa kali kusola zya kumvwida buzuba bumwi mu buyake. Teeba kajisi bupange bwa P.A. kaindi. Elyo kwakali mwaalumi wakali kubambilula, kutala mu bbalukkoni, na kutala mu cilili ca busena, elyo wa kamvwa bantu kabanjila, aboobo ta kazi kuti bakali bani, wa kazumanana buyo kuumuna. Elyo Ba. Finney bakali kuyanda kusola zya kumvwida. Nakamana kutola ciindi cinji mu mupailo wa lubukulusyo olo ndwa kali kuyo cita, wa kasoleka jwi lyakwe kubona obo mbo lyakali nobweza. Wa kasobelela cakufwambaana kuya ku cikambaukilo, a kuti, "Amweempwe, nape mwanyonyooka!" Elyo wa ka caamba a nguzu—nguzu zili boobo, kumane kuba kensi lya bunanike bwa Leza, mane muntu wakaloboka kuzwa atala lya bbalukkoni, ansi aa cibuye, na, kuzwa aatala lya buyake, aa cibuye.

¹⁴ Wa kakambauka Makanimabotu munzila imwi cakuti wa kaimikila mu Boston, Massachusetts, mu mpulungwido niini ya busena buzungulukide, nkaambo kwakanyina mbungano yakali kukonzya kukkwana bbunga lyakwe. Elyo wa kaima awo a nguzu mpati, a kakambauka gehena busena buli boobu, kusikila bantu bakali kubeleka a zinzuma zyabo kensi lya maboko abo, bakawida mu kagwagwa a kukwiilila luse. Mu Busyu bwa Leza! Bakambausi bapati abo bakonzya, kwiinda ku Ijwi lya Leza, kuleta Busyu bwa Leza ku bbunga. Kube kule kuti abo bantu banga baumpwa loko mu myoyo yako mane taba konzyi kuziba Busyu bwa Leza. Kube kule!

¹⁵ Cindi muntu mutaanzi, mbwa kabisya buyo a kucita cintucimwi cilubide, elyo cindi Leza nakasika mu busyu bwakwe, na, wa kaboola mu Busyu bwa Leza, "Adamu," ta kakonzya kwiima mu Busyu bwa Leza. Wa kazuza a kulisisa

mwini mu citeo a kusoleka kuli vumbya mwini kubelesya matu aa mukuyu, nkaambo wa kalizi kuti wa kaimvwi mu Busyu bwa Jehova, Cilenga. Oko kwakali kuvviila kwa muntu mutaanzi, nakamana kubisya a kusola kunjila mu Busyu bwa Leza a cibi aa buntu bwakwe. Ta kakonzya kuyuba, nkaambo wa kacili muniini. Cibi tii cakalina simpa mbuli mbo caka bombomana mu myoyo ya bantu sunu, pele wa kali kutweluka loko kuti wa kaimvwi kumbele lya Cilenga wakwe. Lino, wa kalisisa mwini mu ziteo nkabela takazwa pe, alimwi taka konzya kuyutuka kusikila Leza wakacitya mabambe akwe.

¹⁶ Inga twa jokela, a kubweza mu Matalikilo cipati ca 17 a kampango ka 3, cindi sikale mupati, Abrahamu, cindi na kasika mu Busyu bwa Leza, elyo Leza wakananana kuli nguwe (mu cipati ca 17) mu Zina lya Leza Singuzuyonse, Abrahamu waka wida ku busyu bwakwe. Oyo sikale mupati, mulanda wa Leza, taka konzya kwiima mu Busyu bwa Leza, nekubakuti waka Mu belekela kwa myaka ili makumi obilo ayosanwe, cakusyomeka. Pele cindi Leza nakanjila mu busyu bwakwe, sikale wa kawida ku busyu bwakwe nkaambo ta kakonzya kwiima mu Busyu bwa Leza.

¹⁷ Mu Kulonga 3, tu jana kuti Musa, mulanda mupati a musinsimi wa Leza, cindi na kali kusule kunze lya lukula, oyo muntu wakali muntu uusalala. Wa kazyalilwa bukanze. Wa kazyalwa kuzwa mwida lya banyina kuba musinsimi. Wa kasola kujana Iwiiyo lwakwe a kucita zintuzyonse nzyakali kukonzya kuvuna bantu bakwe, nkaambo wa kamvwisya kuti wakali kweelede kuvuna bantu bakwe, pele cindi naka cimvwisya kwiinda ku bulanganye bwa Iwiiyo Iwabukombi. Wa ka yiisigwa. Wa kapegwa Iwiiyo Iwatala. Wa kali kukonzya kuyiisyaa bana Egepita busongo, abo bakali bantu basongo kwinda mu inyika. Wa kalaazi onse manjililo a mazwido. Wa kali luzyi Lugwalo kuzwa ku A kusika ku Z. Wa kalizi zisyomezyo ezyo Leza nzya kalenga. Wa kali zizyi kuzwa ku mbaakani yabwiime ku bupampu. Elyo wa kali ii–ii muntu simpi mulemu. Pele buzuba bumwi kumbo lya lukula, cindi na kanjila mu Busyu bwa Leza, wa kagwisya mabbusu aakwe a kuwa—ku matende aakwe, mukuziba kuti wakali aa busena busalala. Ta kakonzya kwiimikila ku matende akwe cindi na kanjila mu Busyu bwa Leza, wa kawida kumeso aakwe mbuli Abrahamu mbwa kacita. Ta kakonzya kwiima mu Busyu bwa Leza.

¹⁸ Mu Kulonga 19:19, cindi bantu basale ba Leza kuzwa kaindi loko mu mazuba aa Abrahamu, kuzwa kuli Abrahamu kwakasika Izaka, Izaka wakazwa muli Jakobo, kuzwa muli Jakobo mwakazwa basikale, elyo myaka a myaka wakayaka bantu basalala, bantu balemu, bantu bakasalwa, mukowa wakasalidwe, wakasalazigwa, bantu basalala, alimwi baka belekela Leza buumi bwabo. Elyo buzuba bumwi Leza wakati, “Bunganya Israyeli okuno, Ndiyo kanana kuli mbabo.”

¹⁹ Pele cindi Leza naka selukila aatala lya Cilundu ca Sinai, nkabela mulundu onse waka jatwa mulilo, a busi kabusuka kuzwa kuli nguwo mbuli bbila lyamulilo, nkabela Jwi lya Leza lyaka ndindima, Ba Israyeli bakawida ku busyu bwabo a kuti, "Lekela Musa akanane, a kutali Leza, ulabona twafwa." Muntu, mu Busyu bwa Leza, ula ziba kuti ngu sizibi! Nekubaboobo bakali obo, umwi aumwi, bakapalulwa kweendelana ku Mulao. Ba kali bwezede milao a zintuzyonse, pele cindi Leza na kaamba alimwi baka njila mu Busyu Bwakwe, ba kabona kuti bakali zwide, ba kali—ba kali lubide, kwakali cintucimwi cakabulide, nkaambo bakali mu Busyu bwa Leza. Iiyi. Elyo ba kati, "Lekela Musa kukanana, a kutali Leza, nkambo ikuti na Leza waamba kuti toonse tulafwa. Lekela Musa kukanana kuli ndiswe."

²⁰ Mwakali muli Luka 5:8, eco cindi Petro . . . oh, cindi na kali muntu mulemu uutamvwi, a muntu wa koongelezya kupati, nguzu zipati ezyo nzyo tumvwisy. Wa kali mbuli sikukonga, muzeli wanswi uzizilwe. Pele cindi na kabona maleele aa Leza akacitwa a Muntu buyo, kalibonya mbuli kuti, kwalo wa kaziba ku ciindi eco kuti cakatola kwindilila ku muntu kuwaala zyonse nswi mu kanyandi oko mpa kabede, a lwiiyo lwakwe loonse, luzibo lwakwe lwa kuzela nswi, lwakazela nswi busiku boonse elyo taka jata neiba yomwe. Pele wa kamvwa Muntu umwi kaamba, "Ko waala kanyandi kako mukati."

²¹ Elyo cindi na katalika kukwela, wa kajisi makamu mapati aa nswi, nkabela wa kaziba kuti wakali muntu sizibi. Elyo wa kati, "Kozwa kuli ndime, O Mwami, nkambo Ndili muntu sizibi." Nguni wakaamba eco? Musalali Petro, mu Busyu bwa Leza, wakalomba Leza kuzwa ku busyu bwakwe, nkaambo wa kaliziba mwini kuba sizibi.

²² Abrahamu wakaliziba mwini kuti "wakalubizya." Adamu wakaliziba mwini kuti "wakalubizya," oyo wakali mwana wa Leza, wakaliziba mwini kuti "wakalubizya." Musa wakaliziba mwini kuti "wakalubizya." Israyeli, mbuli mbungano a cisi, baka liziba lwabo kuti "bakalubizya." "Kozwa kuli ndime, nkambo Ndili muntu sizibi." Ta kasola kwaamba kuti, "Lino, Ndila salala a kweelela kutambula ceeci." Wa kati, "Ndili muntu sizibi."

²³ Ciindi cimwi sibukombi lwakulibanda, a lwiiyo loonse lwabukombi olo ndwakali kukonzya kwiya kunsi lya mwiyi mupati uutegwa Gamaliyeli, zina lyakwe wakali Saulo waku Tarso, oyo ngo tuzi mbuli Paulo, mukombi mbuli mbo kweelede. Wa kalaazi onse manjililo a mazwido abukombi bwabo. Wa kali Mufarisi wa Mufarisi, a Muhebrayo wa Bahebrayo. Wa kali muntu uzizilwe, sicikolo mupati, musongo, mucenjezu, wakaiide, waka taminina kuti wakali muzyi Leza kuzwa ku buvvanda. Pele buzuba bumwi mu lweendo lwakwe kuselemukila ku Damasiko, oyo Musumpulu wa Mulilo waka mweka aali nguwe elyo wa kawida aali cakwe . . . kuzwa ku

matende aakwe, aansi, mu suko, a kuti, "Mwami, ino Uyanda nzi kuti ndicite?" Koonse kwiiya kwakwe kupati, koonse kuyisigwa kwakwe kupati kwalwiyo lwabukombi, lwiyo lwakwe loonse tiilwa kaamba cintu cindi nakaima mu Busyu bwa Leza.

²⁴ Ndi yanda kwiima awa kwa kaindi kaniini a kwaamba kuti eco nce cintu nciconya. Yebo kwayanda wakajana D.D., Ph.D., kufumbwa mbo konzya kuba, antela wakali kuunka ku cikombelo kuzwa nokaba mwana, kwayanda wakacita yonse micito yabukombi iliko, pele lomwe mu Busyu bwa Leza uyo limvwa buniini kapati a kuta libala.

²⁵ Paulo waka ziba kuti wakali lubide, nkabela wa kawida aansi, kubweendelezi bwa koongelezya a Nguzu. Cindi nakalanga mujulu a kubona nguwenya Leza oyo ngwa kali kukambauka, alimwi...kulwana, elyo kayeeya kuti wa kalizi, a kubona kuti wa kali lubide, wa kawa kuzwa ku matende akwe, kuya aansi, nkaambo wa kali mu Busyu bwa Leza. Wa kabona oyo Musumpululu wa Mulilo.

²⁶ Ino kujatikizya Musalali mupati Johane wa Ciybunuzyo 1:7, cindi na katondezegwa cilengaano, a kulanga, a kumvwa Jwi kali kanana kuli nguwe na? Elyo wa kacebuka kulanga kubona Jwi, nkabela wa kabona zibikkilo zyamalampi zya ngolide zili ciloba. Elyo Umwi wakaima akati ka zibikkilo zyamalampi angolide zili ciloba, a masusu mbuli boyo bwambelele, meso mbuli mabangabanga aa mulilo, matende mbuli minsende ya butale, Wa kalyaanga cikobela kusika kutala, alimwi Wa kali kutegwa Ijwi lya Leza. Elyo cindi Musalali mupati Johane na keenda a Kristo, kayaama aa camba Cakwe, cindi na kacita zintu ezi zyoonse! Mboli mbo Nda amba cifumo cino, mulimo wa Paulo wakaindilila umwi wabo uli onse. Awa, Johane nakamana kweenda a Jesu, wakaambaula a Nguwe, koona a Nguwe, kalya a Nguwe, pele cindi naka Mu bona kaimvvi alya, eco ciimo cabulemu, wa kati wakawa mbuli muntu uufwide ku matende Aakwe. Ameni. Amu ciyeeye!

²⁷ Inga twa boola ku mbungano a kwaambaula a kulumbaizya Leza, azimwi zimbi, pele, oh, mukwesu, cindi twa Mu bona kaboola, cintucimwi ciyooba candeene mu myoyo yesu! Inga twa yeeya kuti tula cita mulimo wesu wa bukombi kwiinda ku kwiinka ku mbungano a kupa zimanyakkumi zyesu. Inga twa yeeya kuti tu bamba milao ya mbungano a kuloolola tuyanza toonse twabuzumini, pele lomwe atu Mu lange, cintu coonse cakacincina lweendo loonse. Iiyi, cili masimpe.

²⁸ Oyu muntu mulemu, Musalali Johane, muntu mupati mbuli oyo, i Bbaibbele lyakati mu Ciybunuzyo 1:7, kuti "wa kawa mbuli kuti wakali muntu uufwide." Kwiinde myaka yotatwe acisela ya luswaanano a Kristo, kwakali umwi wa balembi ba Magwalo, wakalembe kunze Lyakwe, wakalya a Nguwe ku tafule, wakoona a Nguwe mu bulo, akuba aluswaanano a Nguwe

kufumbwa Nkwa kainka, pele cindi na nyona ku Mu bona, ta kajisi buumi busyeede muli nguwe. Wa kawa mbuli muntu uufwide aa cibuye, na aansi. Ncibotu.

²⁹ Tula bona Isaya, muli Isaya 6:5, mbuli mbo twazwaa kubala, oyu musinsimi mupati singuzu, ngo umwi wa basinsimi bapati maningi uliko mu Bbaibbele. Kuli Mabbuku ali makumi ali cisambomwe acisambomwe aa Bbaibbele; kuli macapita ali makumi ali cisambomwe acisambomwe muli Isaya. Isaya utalikila mu Matalikilo, akati ka Isaya ula leta mu Cizuminano Cipy, ku mamanino aa Isaya ula leta mu Mileniamu; mbubonya buyo Matalikilo, Cizuminano Cipy, a Ciayubunuzyo. Kulondoka! Isaya wakali umwi wa basinsimi bapati. Pele buzuba bumwi wakali kuyaamina ku kuboko kwa Uziya mwaami mupati, Uziya waka gusigwa kuzwa kuli nguwe, nkabela wa kali kumusanza. Wa kali mulombwana mubotu loko, wa kali muntu uululeme mubotu, ikuti na mwaami oyo uululeme (mwaami mubotu) waka mu ziba mbuli muntu uusalala a kumu bamba mu tempele lyakwe.

³⁰ Isaya wa kabona zilengaano. Wa kali musinsimi. Isaya waka kambauka Ijwi. Wa kali mukutausi. Isaya wakali muntu uusalala. Pele buzuba bumwi, kaimvwi mu tempele, wa kanjila mu kunyangwamuya nkabela wa kabona Bulemu bwa Leza. Wa kabona Baangelo kabavumbide mababa ku masyu Aabo, mababa ku matende Aabo, kabauluka kubelesya mababa, kabaongolola kuti, “Uusalala, uusalala, uusalala ngu Mwami Leza Singuzuzyonse!”

³¹ Oyo musinsimi wakamvwisia kuti takali cintu. Wa kati, “Maawe kuli ndime, nkambo Ndili muntu wa milomo iitasalali.” Ii musinsimi, musinsimi singuzu wiinda wa Bbaibbele, umwi wabo. “Ndili muntu uujisi milomo iitasalali, alimwi Ndi kkala akati ka bantu abo bajisi milomo iitasalali. Maawe kuli ndime, nkaambo Nda bona Bulemu bwa Leza.”

³² Elyo wa kati, cindi oyo Angelo nakaongolola, “zikunguzyo zya tempele zyaka zungaana koonse akoonse.” Mukwesu, eco ciyo kubamba...Kutali buyo kuti zikunguzyo zya tempele ziyo zungaana, pele majulu oonse a nyika ziyo zungaana cindi Aku boola alubo. I malundu ayo tija, nkabela lwizi luyo yabaala, a kukwiila, “Kotusisa kuzwa ku busyu Bwakwe oyo uukkede aa Cuuno cabwami.” Ci yooba ciindi ciyoosya. Nda kwaambila, mweenzuma sizibi, yebo ncibotu wa cilingula. Mbo mbubo.

³³ Lino, Isaya wakati, “Maawe kuli ndime, Ndili muntu wa milomo iitasalali, alimwi Ndi kkala akati ka bantu batasalali. Elyo Ndili, bantu aba bajisi milomo iitasalali.”

³⁴ Lino amuyeeye, ikuti na bantu basalala bali boobo bakaliziba lwabo kuti bakali “basizibi” mu Busyu bwa Leza, ino sizibi a mubi uyocita nzi ku Buzuba obo? Ino bantu bayocita nzi abo bakkala mu miswaangano? Ino bantu bayo citanzi abo

babona Nguzu zya Leza, abo bakamvwa kkauntidauni aa Ijwi, abo bakabona Leza kaliyubulula Mwini, alimwi (kwiindilila cimvule ca kuzumbaunya) Lugwalo alumwi lwazulizigwa, alimwi kucisola sola kukonzya kuya ku Julu kakutakwe kuzyalwa alubo a kutambula Muuya Uusalala? I Bbaibbele lyakati, “Ikuti na nciyumu ku mululami kufutulwa, ino sizibi a mubi mpaali mpaya kulibonya?” Ino musyobo nzi wa busena ngo tuyo ima mukati ikuti na twa bona Leza kalivungulula Mwini nkoonya kumbele lyesu, a kubona Bulemu bwa Leza mbubonya buyo mbuli bantu mbo bakacita, alimwi musyobo oyo wa bantu wakoompolola, basinsimi a basongo aali nguwe Ijwi mpo lilede? Ikuti na ba kaompolola, a kuwida ku matende abo, a kukwiila, “Ndili muntu wa milomo iitasalali, busofwaazi,” ino ciya kuba buti mpawo ku muntu uta kalyaambi noziba zibi zyakwe? Ino ciya kuba buti ku mukubusyi musimbi na musankwa oyo uta lyaambilili zibi zyakwe? Ino ciyooba buti ku muntu oyo muyumu moyo kuti ulizi kunji kujatikizya bulenge bwa Leza kwiinda Leza mbwa cita Mwini? Ncinzi ciyo citika ku muntu oyo wakabelesya buumi bwakwe boonse kusoleka kutondezya kulubila kwa Bbaibbele? Nkokuli mulombwana oyo nkwayo bonekela? Amu ciyeeye!

³⁵ Obu mbuvangeli. Eci nciindi caku zungaanya bantu. Eci nce ciindi eco Leza nca kaamba kuti kuyo boola ciindi, Wa kazungaanya Cilundu ca Sinai ciindi cimwi pele kuyo boola kuzungaana alubo, kuti Ta “kali kukonzya buyo kuzungaanya Cilundu ca Sinai, pele kuti Uya kuzungaanya zintuzyonse ezyo zikonzya kuzunganisigwa.” Pele sena mwakabona Lugwalo lumwi? “Pele tu tambula Bwami obo bu takonzyi kuzunganisigwa!” Aleluya! Zintuzyonse ezyo zikonzya kuzungaana ziyo zungaananisigwa. I majulu ayozungaana. I nyika iyo zungaanya. “Majulu a nyika ziyo loba, pele eelyo Ijwi tali kalobi. Nkambo atala aa mwaala oyu Mpe nzoyakila Mbungano Yangu, nkabela milyango ya gehena taika Izundi.” Zintuzyonse ezyo zikonzya kuzungaana ziyo zungaananisigwa. Pele tula tambula Bwami buli ndi Ijwi lya Leza Mwini, alimwi Leza ndi Ijwi Lyakwe. Ta lizungaanyi Mwini. Amen! Oh, ma! “Pele tu tambula Bwami obo butakonzyi kuzungaananisigwa,” buta zungaananisigwi, kaamba Paulo mulembi wa Cihebrayo.

³⁶ Muntu uli obo a mwaalumi uli obo, ciindi cili obo anzila mbo bakalimvwa! Tuli jisi aswebo, tobeni, twa kabona Bulemu bwa Leza mbuli bantu aba mbo bakacita. Masimpe. Twa ka Bu bona. Twa kabona Bulemu bwa Leza mbuli Abrahamu mbwa ka Bu bona. Twa kabona Bulemu bwa Leza mbuli Musa mbwa ka Bu bona, nguonya Musumpululu wa Mulilo, nguzu nzyoonya zya Leza, nguwenya Kristo zita-...kaliyubununa Mwini, kulitondezya Mwini, kubamba Ijwi Lyakwe mu buzuba bwamamanino. Mbobuti mbo tukonzya kusika ko mpawo, akweenda aku Ci langanya cabuubauba loko? Mbobuti mbo

tukonzya kweenda koonse a kujatilila ku tuyanza twesu twa buzumini a tubungwe, a kuta bweza Ijwi lya Leza? Ino kuyooba buti kuli ndiswe mu Buzuba obo? Mbobuti mbo ciyo citika a a ndiswe, kakuli twa kabona Bulemu bwa Leza?

³⁷ Bantu bamwi bayoimaaku Li fubaazya, bamwi bayo Li seka, bamwi bayo Li ita kuti nciimo cakwiindilizya, bamwi ku Li ita kuti nkukwabana kwa mizeeo, bamwi ku Li ita kuti Bezebule, bamwi ku Li ita cintu comwe na cimbi. Mboli tusimpi twa kaindi mbo tubede, “Bafubafuba bayo enda a mabbusu ajisi mpikili ku tusindi awo Baangelo mpo bayoowa kulyata.” Mbo mbubo. “I mufubafuba waamba mu moyo wakwe kuti, ‘Taakwe Leza.’” Cindi abona Leza katondezegwa cakulondoka loko kwiinda ku Ijwi Lyakwe Mwini (kutali kwiinda ku kansiyansiya; pele kwiinda ku Ijwi Lyakwe), elyo mpawo kweenda ku Li indilila ncobeni aku Li sabula, walo mufuba. Nkaambo, ngu, Leza mu Ijwi, alimwi Leza walileta antangalala Mwini kuli nguwe, nkabela walo “mufuba,” Bbaibbele lya kaamba. Ino cijooba buti kuli nguwe cindi naelede kuyo ima mu busena obo? Ciya—ciya kuba cibyaabi ku muntu oyo mu Buzuba obo, i mubi.

³⁸ Basizibi bakeempwa, nekubakuti, taba jisi buyoofu buli boonse. Oh, peepe. Ii sizibi uyo empwa, uli zyi kuti kuli Cituuzyo cizwide malowa cilindila, cakwiima mu busena bwakwe. Eco nce cindipa kuumbulizingwa. Nda kabona Bulemu bwa Leza. Nda kazimvwa nguzu Zyakwe. Ndi lizyi kuguma kwa janza Lyakwe. Ndi kuzyi kuguma kwa kukoma Kwakwe. Ndili muzyi kuti Ngu Leza. Elyo Ndi lizi kuti Nda nyonyooka, pele kuli Umwi kuli umwi wiiminina ndime. Ameni. Kuli Umwi Oyo wiimvwi alya a kuti, “Taata, bikka milandu yakwe yoonse ali Ndime, nkaambo wa ka ndiiminina Mebo ansi aa nyika.” Aleluya! Mpawo Nde enda ku Cuuno cabwami ca Leza, acamba, nke jisi luzyalo mu moyo wangu, ku ziba kuti takuli kwiinda ku milimo mibotu, pele kwiinda ku luse Lwakwe Nda kafutulwa. Kutali eco nce Ndi konzya kucita, eco Nce kali kukonzya kusangana, eco Nce kakonzya kwaamba; pele nkwiinda ku luzyalo Lwakwe kuti Wa kandi futula.

³⁹ Ta cigambyi sikuyabilia oyo wakajata ceeco, waka kwiila, “Luzyalo lugambya, obo mbolu mwika kabotu, lwaka futula mupenzi mboli ndime. Kalisweekede cindi cimwi, pele lino Nda kajanwa; kali moofu, pele lino Ndila kubona.”

⁴⁰ Mbobuti mbo Ndi konzya kusola kuya ku Julu? Mbobuti mbo konzya kuunka ku Julu? Ta tukonzyi kucicita, swebo, alimwi taakwe nzila kuli ndiswe ya kucicita. Pele kuli Umwi wakabamba nzila. Alimwi Walo ni nzila. Alimwi m bobuti mbo tusika kuli Nguwe? Ku Muuya omwe, Muuya Wakwe, tula batapatzigwa mu Mubili omwe oyo uyo busigma mboli mukondo. Tuyo zwa mu nyika mboli ba astronati iba buzuba obuno bwa mamanino mu lusyomo lwa Leza. Ameni. Masimpe. Basizibi

bakweempwa tabeelede kulibili, Umwi mwali mu busena bwabo.

⁴¹ Oh, mpawo twamana kunjila mu Busyu Bwakwe lino, alimwi tu lizi kuti twakali mu Busyu Bwakwe, twa ka Mu bona kacita zintu ezyo Nzya akacita cindi Na kali waano aa nyika. Mbobuti mbo ziba i... Mbobuti mbo ziba kuti musaansa ngo langide? Nkaambo ka mucelo ngo uzyala. Mbobuti mbo ziba mbungano nko unka? Ku micelo njozi zyala. Jesu wakati, "Oyo usyoma Ndime, milimo eyo Nje cita uyo icita awalo. Ezi zitondezyo ziyo batobela abo basyoma."

⁴² Lino, tula bona kuti Ta katusalila kuunka kupanga tubungwe. Ta katusalila kuyo panga tuyanza twa buzumini. Pele Wa katucengezya kuli ceeco. "Nkambo kufumbwa muntu uyo gwisya cintu cili coonse kuzwa kuli Ndilyo na kuyungizya kufumbwa cintu kuli Ndilyo, nguonya uyo gwisigwa, cibeeda cabu, mu Bbuku lia Buumi." Mwabona?

⁴³ Aboobo, tee twa kasalwa kucita cintu cita kukkala a Ijwi eelyo. Elyo ikuti na muntu wakatumwa aa Leza, uyo kkala a Ijwi, nkaambo Leza ukonzya biyo kutuma kwiinda ku Ijwi Lyakwe. Mwabona? Mwabona, We elede kukkala ku Ijwi Lyakwe. Mpawo cindi twasika mu Busyu Bakwe, cindi muntu asika lomwe mu Busyu bwa Leza, ula cincwa kwalyonse, ikuti na kuli kucinca kuli nguwe. Lino, baabo bakali kukonzya kweenda mu Busyu bwa Leza a kuta bikkila maanu kuli Mbubo. Ta kasalilwa Buumi. Pele ikuti na wa kakanzwa aa Leza, kufumbwa buyo kuti bweende butaanzi bwauma, ula buziba. Eco cijata mulilo.

⁴⁴ Amulange sibwaamu oyo muniini kunselelo okuya buzuba obo ku Samariya, mwanakazi ulya. Waa kali mu ciimo cibyaabi cakuyeeya a cakunyama. Tu lizi obo. Pele mbwa kacibonena buyo citondezyo eco nco cakacita, ca Mesiya, waa kati, "Tu lizi kuti Mesiya ulaboola kuzo cita ceeci. Yebo weelede kuba musinsimi Wakwe."

Wa kati, "Ndime oyo Mesiya waka lembwa kuboola."

⁴⁵ Waa kaciziba. Taakwe naka buzya limbi mubuzyo. Waa katalika mpoonya cakufwambaana a mulimo, ku ziba kuti na kajana eco a kunjila mu Busyu bwa Leza, waa kali a mulimo wa kwaambila muntuumwi umbi kujatikizya ncico. Aleluya! Mbubo. Kufumbwa muntu oyo uboola mu Busyu bwa Leza ulaa mulimo kumbele lya Leza, kuzwa ku miniti eeyo kuyabuya, kwaambila muntuumwi umbi. Amulange Abrahamu, amulange Musa, amulange Petro, amulange Paulo. Ciindi nibasika mu Busyu bwa Leza, baka liziba beni kuti "mbasizibi," a ku namatika bumboni bwabo kubelesya buumi bwabo. Amulange mulindu muniini, ta kakonzya kukkala limbi, waa kaunka ku dolopo a kwaambila bantu, "Amuboole, mubone Muntu oyo wandaambila zintu nze Nda kacita. Sa oyu tali Mesiya?" Teeba kakonzya ku Ci kaka, nkaambo Cali Camalembe. Cilimasimpe.

Iiyi, beeledge kucicita, muntu, cindi twa kajana mulimo wa kwaambila bamwi mbuli Musa mbwa kacita, mbuli Petro mbwa kacita, mbuli Paulo mbwa kacita. Nikwakamana zintu ezi, mwaka Ci bona a kuboola mu Busyu Bwakwe, ujisi mulimo ku Mulumbe wakuleta ku muntuumwi umbi. To konzyi buyo kukkala zii a Nguwo. We elede Kuu tola ku muntu umwi umbi.

⁴⁶ Nda yeeya mucizi wakale wakali kujanika okuno, banyina ba Mukwesu Graham Snelling, bakali kukkala mpoonya awa mu mbungano, alimwi ba kali kunga baimba, "Nda zwaa zabuka ncobeni! Ndila zuza, zuza, zuza, alimwi Nda zwaa kuzabuka alimwi Nse konzyi kukkala ansi." Waa kajana buyo cintucimwi. Nda kaunka ku mbungano niini ya bantu basiya okuno mu Louisville, elyo boonse bakaliimvwi, kabaimba kuti, "Ndiya mutanta Mugwagwamupati wa Mwaami, zwaa Kuu jana, akutanta Mugwagwamupati!"

⁴⁷ Kuli cintucimwi kujatikizya ncico, cindi wa jana Kristo, to konzyi kuumuna limbi. Mazuba aka onse asyeede uya kuba muntu wakacinga, nkambo cindi buumi a Buumi bwa swaangana, kupanga Mumuni umwekesya. Mbwini. Cindi bbalubbu lya swaangana a waya, ikuti na ndi bbalubbu lili kabotu, lyeelede kupa mumuni; cindi magesi a bbalubbu zya swaangana antoomwe, taakwe cintu cakucita cita musabalanganya mumuni. Lyeelede ku cicita. Elyo cindi mwaalumi na mwanakazi waka kanzila Buumi Butamani, nkabela ba bona magesi aa Leza ajata bbalubbu elyo, iyo mwawa Mumuni koonse nkou konzya. Kwayanda inga toindila ku teeni waati, pele uya kusabalanganya oyo Mumuni ngo jisi. Ikuti na toli wa mawaati ali myaanda yosanwe, kosabalanganya Mumuni wa mawaati ali kkumi. Komwesya Mumuni wako! "Amukele mumuni wanu umweke maningi ku bantu, kutegwa babone milimo yanu mibotu a kulemeka Taata oyo uuli ku Julu." Iiyi, munene.

⁴⁸ Cindi muntu aboola mu kukwabana a Leza, ula liziba mwini "taakwe bubotu." Mbobuti muntu mbwa konzya kweenda koonse a kulikankaizya kujatikizya obo mbwali mupati aceeco coonse nea kacita, kakuli tali cintu? Tali cintu kuzwa kumatalikilo. Buzuba bumwi kumusanza mu Memphis, Tennessee, na umwi... Nse yeeyi kuti mwakali mu Memphis. Bwakali bumwi bwa masena alya. Nda antomwe a Mukwesu Davis nkabela twa kali kuba aa—aa lubukulusyo. Kwayanda kwakali ku Memphis. Elyo twa kali, kainka ku buyake bwa misobanino, elyo bakali jisi omuya, kutali buyake bwa misobanino, bwakali busena bwa aarti, elyo ba kajisi i—i zibumbwa zipati ezyo nzyo bakajana kuzwa ku zibeela zyandeene zya nyika, yandeene, Hercules a zimwi, a ba aarti bapati nzoba kapenta. Elyo mpawo baka jisi kulangalanga kwa muntu wakali kulema mapaunderi ali mwaanda amakumi osanwe. Nywebo mulizi mbwakali kudula na? Maseenti ali

eite foo. Nko konse mbwabede. Maseenti ali eite foo oonse—oonse makkemikko ngo konzya kugusya kuli nguwe. Ujisi buyo laimo munji waku kusansaila citeente ca nkuku, alimwi ulijisi kunji, kusyoonto buyo kwa kkaushiamu, potashi muniini. Inga onse kwasambalwa maseenti ali eite foo. Pele tulaa bambilila maseenti ayo ali eite foo akwaabebeka konse.

⁴⁹ Kwakali balombe bobilo bakaimvwi alya, elyo umwi wakalanga umwi umbi, kati, “Jim, ta tuduli maningi sa tula cita?”

Wa kati, “Peepe, ta tuli, Johane.”

⁵⁰ Nda kati, “Pele amulindile aniini, balombe, mujisi buntu omuya obo budula maningi kwinda manyika ili zyuulu zili kkumi, akaliko, konzya kunununwa ku nguzu zya Leza, ikuti mwa zilekela buyo.”

⁵¹ Muntu, cindi a bona zintu ezi, ulaa mulimo wa kwaambila bamwi. Nda kacibona cindi Ne kali mulombe muniini. Nda kamanizya buumi boonse ali ncico. Nda usa biyo kuti Ndi jisi buumi bomwe, Ne kali jisi buli zyuulu zili kkumi. Ikuti ni Nda kajisi Butamani, inga Nke ciyanda kwaambila bantu kujatikizya ncico, nkaambo ncintu cipati maningi eco nce Nda kasola kujana. Ikuti na muyo bala muli Ezekieli 33, cipati ca 33 ica Ezekieli, kwakali mulindizi wakabikidwe atala lya ngazi, ali oyu mulindizi waka jisi mulimo wa muunzi woonse. Ameni. Lino, amusinsimuke, amusinsimuke kuli lwani ku manjezeezya anu aakumuuya aniini, kuciindi Ne sika ku Lugwalo olu. Oyo mulindizi wa keelede kuba muntu waka yiisigwa. Wa keelede kuziba eco ncakali kucita, nkambo ku musinzo uli onse, mbo bakabukila buyo, basinkondo, wa kali kukonzya kuziba. Wa kali kukonzya kuziba kweenda kwabo, wa ali kukonzya kuziba mubala wako, wa kali kukonzya kuziba zyuuno amakan abo. Kuciimo mbuli meso aa muntunsi mbwa kakonzya kubona, wa kali kukonzya ku cibona. Elyo wakali atala maningi kwiinda bamwi babo, nkambo wa kayiisigwa kuziba sinkondo. Elyo Leza waka sesa munzi onse mu janza lyakwe. “Mulindizi, mbuti zya masiku?” Aleluya!

⁵² Eyo nje nzila basilumamba ba Leza mbo babede sunu. Ba kayiisigwa ku Ijwi. Cindi cintu cili conse cayutuka cijisi bweebesi buniini kuli ncico, eco cijisi cintucimwi cimbi citali Calugwalo, bala cenjezya mambunga abo. Kufumbwa cintu citali ca Bbaibbele, kufumbwa cintu citali—citali mbuli Leza, mbuli kuba zilalilo zya misinza, zizyano, zintuzyonse zimbi, zya kubbadelo beembeli. Ezyo zintu zili lubide. Zisobano zyabubbi a nkamu ya misobano mu mambungano, zili lubide! Elyo mulindizi wini atala lya bulambo, oyo wakali mu ciindi cimwi mu Busyu bwa Leza... Ikuti na tacila atala lya bwaanda, ikuti na weeledo kuba atala lya bwaanda, bwaanda ndiza inga tii bwalambo kwinda bamwi mu mbunga. Pele ikuti na mulindizi

ululeme, Leza ula musumpula atala mu zilao bamwi bambi moba tasiki. Pele ula bumamela butanga, nkabela Leza ula busesa kuli nguwe! I muntu wa Leza oyo wiima mu Busyu bwa Leza, alimwi ulizi kuti Leza ngu Leza, alimwi ulizi kuti Leza ula libamba Ijwi Lyakwe, alimwi kulanga Leza kabeleka Mwini akucita bulizi Bwakwe akubamba Ijwi Lyakwe, mpawo takukwe makani na tuli tongaye tubunga na tubungwe tusola ku Li mwaya, ulizi cuuno a makani a basinkondo. Ameni. Uli zyi eco ca kwaambila mbunga, mulindizi wini.

⁵³ Ikuti na twa lyaambilila kuti Mpali, twa kali mu Busyu Bwakwe, alimwi twa lyaamba zibi zyesu, ba kazimaazigwa kuzwa mu bbuku lya kwiibaluka Kwakwe. Taakwe muntu cita Leza uukonzya kucita eco. Lino, inga wacita cintu cili coonse kuli ndime, Ndiyokujatila, pele Ndiyo ciibaluka. Ikuti na inga Nda cita cintu cili coonse kuli nduwe, inga mwa ndijatila, pele uyo ciibaluka. Pele Leza inga wajatila a kuciluba. Amu ciyeeye eco, “nokuba kusola ku ciibaluka!” Ameni. Eco cindibamba kulimvwa kabotu. Kakuli ta ciciibalukwi limbi, taakwe cintu eikonzya kucicita cita Leza. Taakwe cintu cita Leza ukonzya kucita ceeco. Wa katii Uyo cizimaazya kuzwa mu bbuku Lyakwe lya kwiibalukila. Nse konzyi kucicita, to konzyi kucicita, nkaambo tu jisi buyo aya magano masyoonto aagola. Pele Walo mupatikampatila, Leza, Ula konzya cakumaninina kuluba kuti cakasola kucitwa. Ameni.

⁵⁴ Ii mulindu mukibusyi wakazwa ku cisi mbungano, alimwi wisi wakali mukambausi waciyanza, cakaindi woongolola, na membala wa mbungano. Elyo aboobo waa kanjila mu dolopo, nkabela waa kanyongana koonse a banakazi kunselelo okuya, elyo waka talika kulilemeka mbuli mbo bakacita, a ziyanza zyampuwo. Elyo buzuba bumwi waa kali kubaanga ufwu nsoni kuli bawisi a banyina kuboola, na bawisi bakwe, mubwini, banyina bakali fwide. Aboobo mudaala, cintu buyo nca kakonzya kucita, nkubuka cifumo, kulya kalimbabula kakwe a kubweza Bbaibbele a ku Li bala, a kulila a kupaila a koongolola buzuba boonse, a kuzuza koonse akoonse mu kaanda, elyo waa kali kufwansonni aniini kujatikizya ncico. Aboobo mpawo—mpawo mpawo ciindi coonse masiku, ikuti na kabweza Bbaibbele, katalika ku Li bala, wa kali kunga wabuka kuzwa mu bulo, a koongolola, “Bulemu kuli Leza! Aleluya! Oh, bulemu kuli Leza!” Kajintaila buyo a kulila cisela ca masiku.

⁵⁵ Aboobo buzuba bumwi waa kali kwiinka kuyo sangabalisyamamembala bamwi bambungano ku parti niini ya tii mbuli mbo bakali kucita lyoonse, nywebo mulizi, aboobo taakazi eco ncakali kuyo cita a bawisi. Kwalo, bakali bausi. Aboobo waa kayeeya kuti inga uyo babikka mu ngazi, a kwaamba, “Taata, to yandi kuba munsi awo aba banakazi mpobabede, ula cita na?”

Kati, “Peepe, Nse syomi kuti Nda yanda kucita ceeco.”

⁵⁶ Wa kati, “Ee, tu yooba a banakazi ba mbungano kutala okuno sunu, alimwi tuyu kuba a muswaangano muniini, muswaangano muniini wamipailo. Aboobo Ndila—Ndila kwaambila, taata, nkaambonzi totanti buyo mu ngazi?”

Kati, “Ndi syoma buyo kuti Ndiyo cita ceeco.”

⁵⁷ Aboobo waa kati, “Bala bbuku eli bbotu.” Elyo wa kamupa bbuku lyu bupange bwanyika. Kagusya Bbaibbele lyakwe kuzwa kuli nguwe kutegwa aumune. Aboobo wakaziba ikuti na wa kabala Bbaibbele, baa, inga uyounka kupanga coongo cinji kutala okuya. Aboobo uli nkoonya kutala lyabo, nywebo mulizi, oko nkobakali kuba a parti yabo. Aboobo waa kamupa bbuku lyu bupange bwanyika, kati, “Eci ncibotu. Weelede kububala, taata, nkaambo bu kwaambila bwini boonse kujatikizya inyika.”

“Oh,” wa kati, “Ndiyo botelwa kubala ceeco.”

⁵⁸ Aboobo wa kati, “Lino koya kutala okuya a kuumuna ncobeni mane aba banakazi bazwe, elyo mpawo Njo...ula jokela kunselelo elyo mpawo ulakonzya kucita kufumbwa nco yanda.” Wa ka zamina kucicita. Aboobo waka tanta matantilo aatala, uli kkede alya.

⁵⁹ Elyo boonse bakali kuba parti yabo ya tii, nywebo mulizi, kwaambaula kujatikizya *boobu-a-boobu*, alimwi mulizi mbo cuunka, mukuba aciindi eco coonse cibotu. Elyo kutandila ciindi eco cintucimwi cakaanguluka aamatantilo, boonse kabakwiila a kusotoka, pulasita kaiwa. I mudaala wakali kuzuza koonse akoonse kwiinda mu ngazi canguzu mbuli mbwa kali kukonzya kuunka, kusotauka mujulu aansi, a koongolola, “Bulemu kuli Leza! Bulemu kuli Leza!” Banakazi teeba kazyi eco cakali kucitika atala alya, eco ncoba kajisi aamatantilo. Aboobo cigaminina wakaseluka aamatantilo, canguzu mbuli mbwa kali kukonzya kuunka.

Waa kati, “Taata, Nda kumupa kubala bbuku lyu bupange bwanyika.”

⁶⁰ Kati, “Iiyi, Ndi licizi. Yebo ulizi,” kati, “Nda kali kubala mu bupange obu bwanyika okuno kuli masena mu lwizi olo lutajisi magolelo muli mbubo.” Elyo kati, “Nda kabala awa mu Bbaibbele ijilo, Wa kati Wa kabikka zibi zyangu mu ‘lwizi lwa kuluba.’ Bulemu kuli Leza!...?...” Kati, “Ba ciya buya. Taba jisi magolelo, ba zumanana buyo kuyabuya.” Mbo mbubo. Elyo wa kali koongolola kujatikizya ncico. Ee, mbo mbubo.

⁶¹ Leza ulabikka zibi zyesu mu lwizi lwa kuluba, kuzimaazya nzizyo, alimwi zili mbuli kuti tii zyaka citika. Oh, ma! Mpawo tulaima ku luzyalo lwa Leza, kwiinda muli Jesu Kristo Mwami wesu, kanjoloma a kusalala, mbuli buyo Mbwa kabede, nkaambo Ta ndiboni cindi Nda libonya, Ula bona Mwana Wakwe Mwini. I nzila biyo Nja konzya kubona... konzyi kundi bona, nkaambo Ndili mu Mwana Wakwe. Elyo Walo ubona buyo Mwana Wakwe.

Sa eco tacili cibotu-loko? Ta tweeede kuyeyya limbi kujatikizya zibi, zyonse zyakamana, zili kunsi lya Bulowa. Iiyi, munene. Ta tweeede kulibilika kujatikizya ncico limbi, cili manide, a kuzwa mu kwiibaluka kwa Leza. Ta ciciibalukwi limbi.

⁶² Isaya, oyo musinsimi singuzu, cindi na ka lyambilila zibi zyakwe, wa kati, "Maawe kuli ndime, nkambo Ndili muntu wa milomo iitasalali." Ii musinsimi! "Ndili muntu wa milomo iitasalali, nkabela mbunga yangu taisalali." Mwabona? "I bantu Mbe kambaukila, taba salali. Nse salali. Elyo maawe kuli ndime. Pele mpaawa kwaseluka nkamu ya Baangelo kuzwa ku Bulemu bwa Leza, kabavupaula kusule lya—lya makumbi, elyo Nda kalanga mujulu okuya a kubona malongwe Akwe kaazuza Julu lyoonse. Elyo Nda langilila aba Baangelo abo batakazi cibi mbo cakabede. Taakwe noba kaziba nociba cibi mbo cakabede, alimwi okuya, mu Busyu bwa Leza, ba jisi mababa obilo kaavumbide ku masyu abo, ba jisi mababa obilo kaavumbide matende abo, nkabela balauluka kubelesya mababa abo obilo, alimwi ba laompolola isikati a masiku kuti, 'Uusalala, uusalala, uusalala ngu Mwami Leza.'" Fyuu. Eco inga cakubamba kulimvwa kubaanga tosalali, embo na? Lino, ino wakacita nzi? Wa kati, "Maawe kuli ndime."

⁶³ Elyo cindi na ka lyambilila zibi zyakwe a kwaamba kuti "maawe kuli ndime," i Angelo wakainka okuya a kubweza lumano, kabweza kkala lya mulilo eelyo lyakaiminina Muuya Uusalala a Mulilo, a kuboola okuya a kulibikka aa milomo ya musinsimi, a kuti, "Nda kusalazya." Mpawo mababa kababamuka munzila awo mbuli obo, katantamuna zisitilizyo zya ciindi, elyo wa kamvwa Leza kaamba, "Nguni utii Twi inkile?"

⁶⁴ Pele nakamana kujana kuti kwakali nzila ya kugwisya cibi, Leza wakali kuyanda muntuumwi kuunka mucibaka Cakwe, elyo wa kati, "Mpaawa Mpendi, kondi tuma." Wa kali mu Busyu bwa Leza, alimwi waka lyaambilila zibi zyakwe, a kusalazigwa kuzwa ku zibi zyakwe, alimwi wakali libambilide ku mulimo. Ameni.

⁶⁵ Mboli sikuyabila mbwa kajata eco, kati:

Bali mamilioni eno mu cibi a mause bali
mukufwa,
Koswililila ku kuusa a kulila kwabo kupati;
Kobinda, mukwesu, kobinda ku kuvunwa
kwabo;
Cakufwaambana koingula, "Simalela,
mpaawa Mpendi."

⁶⁶ Cindi Nda yeeya Africa, India, a koonse ku inyika, mamilioni aa bahedeni kabakwiila a kulilila luse, elyo nguni utiinke? Kutali kuvozya kabbuku, pele kubaleta kuli Jesu Kristo. Muntuumwi mu Busyu Bwakwe, mbuli Musa, oyo

wakali kukonzya kuselemukila okuya a kubatondezya kuvunwa kwini. Kutali kuba bamba kusangana mbungano, na kusukana maanza a kuba akayanza kabuzumini, pele kuleta kwa kuvunwa buntu bwabo; muntu umwi mubotu munaleza. Iiyi, Isaya wakalyaambilila zibi zyakwe nkabela waka salazigwa.

⁶⁷ Nakamana kusinana busiku boonse, mu kulyaambilila zibi zyakwe, mula yeeya busena mbwa kabede? Bwakali kutegwa Penile, P-e-n-i-l-e, Penile. I bbala *Penile* mu Cihebrayo, lyaamba, “busyu bwa Leza Singuzuzyonse.” Jakobo, mumpelenge muniini wa ka zuza koonse...zina lyakwe lyakali *Jakobo*, eelyo lyaamba “mumpelenge,” oyo mucengi, Kacita kucija buumi bwakwe boonse, kuzwa kuli Leza, pele ciindi cimwi naka njila mu Busyu bwa Leza ku Penile, ku meso a Leza, wa kajata Leza elyo taka Mu lekezya. Leza, tuyandikana ba Jakobo banji. Wa kajatilila ku busyu bwa Leza, mu Busyu bwa Leza, wa kakkala kusikila ku kupasuka kwa zuba. Leza wakati, “Ko Ndileka ndiinke, nkaambo zuba lilapasuka.” Elyo wa kakkala ku meso a Leza kusikila kukupasuka kwa zuba, pele wa kazwa kalulamikidwe a kufutulwa. Huh.

⁶⁸ Oh, ino cakali cintu cipati, lino, kuziba kuti wa kasinana kumanizya. Nkokuti, wa kabona zitondezyo zya Leza, wa kajisi ziloto zijatikizya Leza, pele eci cakali ciindi cimwi na kali ku meso a Leza, mu Busyu bwa Leza. Amu ciyeeye, beenzuma. Lino, mbuli mbo tubindaana. Mu Busyu bwa Leza, muntu ula cincwa. Jakobo waka cincwa. Lino wa kali kukonzya kweenda a Leza. Iiyi, wa kali muntu wandeene kwiinda mbwa kabede cindi na kainka kutala okuya. I nkondo yakali manide eno. Iiyi, munene. Elyo wa katalika kuyaka cipaililo. Ta ka zibide kuyaka zipaililo, nywebo mulizi. Pele, Nda mwaambila, cindi mwaboola mu Busyu bwa Leza, uyo yanda kuyaka cipaililo kubusena bumwi. Uyo yanda kujana abusena bumwi awo mpo konzya kukomba. Wa kayaka cipaililo. Wa kasalazigwa, nkabela Leza wakawina.

⁶⁹ Elyo Jakobo waka cincwa kuzwa kuli *Jakobo*, “mumpelenge,” kuya kuli *Israyeli*, “sibwami, kajisi nguzu a Leza.” Eco nce cakacitika kuli Jakobo. I mumpelenge, silweeno, utaluleme, uutasalali, silweeno, wakeena munyina, wakabba bupati, mbuli mbo bwakabede, kuzwa ku munyina, wakatola nzila mbi niini ya kucicita, mbuli silweeno. Wa keena wisizyalala. Kabikka tusamu twa popla a kubamba moombe bamyeengo, cindi ng’ombe nizyakali kumita wakasika alya, ka zilanga, a mbelele...kali kubona kuti kasamu kamyeengo a kubamba ng’ombe zya myeengo, akuba bikka zyoondo zyakuzyalwa. Silweeno, keena wisizyalala wini. Wakeena banyina, wakeena bawisi, wakeena munyina wakwe, pele cindi naka njila lomwe i...Wa kali mucengi. Wa kali kweenda konse nkwa kainka, lyoonse katija kuzwa kuli Leza, wa kali kutija kuzwa ku munyina. Pele cindi na kanjila mu Busyu bwa Leza, wa kaziba

kuti wakali sizibi. Ino wa kacita nzi? Ino wa kacita nzi? Wa kabona coolwe cakwe. Wa kaswaana cintucimwi eco ncata kalina yeeya akwalo, elyo wa kakkala okuya kusikila zibi zyoonse zyakamana. Oh, ma! Leza waka munjizya mu Busyu Bwakwe Mwini.

⁷⁰ Leza ulabamba nzila yakuleta bantu mu Busyu bwabo, mpawo bala bamba mizeezo yabo. Bamwi babo baka tija kuzwa kuli Nguwe, bamwi bakatijila kuli Nguwe. Ikuti na bakakanzwa ku Buumi, bala Bu syoma, bala jatilila kuli Mbubo. Ikuti na tabali boobo, ba sola kuzwa a kwaamba kuti, "Kunyina cintu kuli Mbubo." Mwabona? Elyo oyo ngo mulombwana uusweekede. "I mulombwana oyo ulyaambilila zibi zyakwe, uyo jana kujatilwa. Ikuti na wasisa cibi cako, toka jani coolwe." Peepe.

⁷¹ Aboobo Jakobo cindi walo, nywebo mulizi, buzuba bwakatobela wa kaswaana Esau munyina. Ta kali kuyandikana lugwasyo kuzwa kuli nguwe mpawo. Ta kali kuyandikana basilumamba bakwe. Wa kali mu ncito kayaka zipaililo. Ta kacili kumuyoowa limbi Esau.

⁷² Ntembauzyo 16:8, Davida wakati, "Nda bikka Mwami kumbele lyangu." Eco ncintu cibotu cakucita. Ntembauzyo 16:8, "Nda bikka Mwami kumbele lyangu." Aboobo, ta kakonzya kunyonganisigwa kujatikizya ncico. Wa kali kuyanda kuziba Busyu Bwakwe, aboobo Davida wakati, "Ndi bikka Mwami lyoonse kumbele lya meso angu. Lino Mebo, Davida, ndabikka Mwami kumbele lya meso angu, lyoonse kuziba—kuziba Busyu bwa Leza." Sa inga eco teecaba ciyo cibotu kuli ndiswe toonse sunumasiku? Bikka Mwami kumbele lya meso esu kutegwu tukazibe ku Busyu Bwakwe. Ko Mu bikka lutaanzi. Nkaambonzi? Ko Mu bikka lutaanzi, kumbele lyako. Nkaambonzi? Mpawo toka kabisyi cindi waakuziba uli mu Busyu bwa Leza cakuzumanana. Cindi waziba kuti Leza uli munsi, kolangilila eco nco wamba.

⁷³ Ii muntu, cindi ayeeya kuti Leza tako, uyo konkezya, uyo sukamina banakazi, uyo cita... uyo bba, kucenga, kubeja. Uyo cita kufumbwa cintu cindi ayeeya kuti Leza ta mu boni. Pele mulete mu Busyu bwa Leza, uyo cileka cakubinda eno. Mwabona? Elyo Davida wakati, "Nda kabikka Mwami lyoonse kumbele lyangu." Eco ncintu cibotu. Ta cigambyi kuti Leza wakati wa kali muntu uuyandwa ku moyo Wakwe Mwini. Muntu uyo cita zintuzyonse ciindi a yeeya kuti Leza tali munsi. Pele cindi ajana kuti Leza uli munsi, sa mwakasola kubona sizibi? Mulekele muntu munaleza eende kunembo, uyo leka kukonkezya kwakwe, ikuti na ujisi bulemu bumwi nobuceya. Mwabona? Ta kaambi kudana kubbi oko nkwa keelede kwaamba. Mwabona? Mwabona, uyo siya ceeco, nkaambo uli zyi kuti uli mu Busyu bwa Leza, nkaambo Leza ukkala mu cikombelo ca bantu Bakwe. Mwabona?

⁷⁴ Davida nakamana kucita ceeci, wa kati, "Moyo wangu uyo sekelela." Nda lombozya ni mwa cibala, Ntembauzyo 16. "Moyo wangu uyo sekelela, nkabela mubili wangu uyo pumuna mu bulangizi." Nkaambonzi? Moyo wangu uyo sekelela nkaambo Ndi jisi Leza kumbele lyangu ciindi coonse. "Elyo mubili wangu uyo pumuna mu bulangizi; ikuti na Nda fwa, Ndiyo busigwa alubo. Nkambo Ta kalekeli Umwi Wakwe Uusalala kubona kubola, naanka kuti Uyo siya buntu Bwakwe mu gehena." Mwabona? Cindi Davida naka bikka Leza kumbele lyakwe, alimwi wakali kutweluka kuti cakuzumanana wa kali mu Busyu bwa Leza. "Amu yandaule lutaanzi Bwami bwa Leza."

⁷⁵ Lino swiilile, mbungano, Nda kuyanda. Elyo Ndi yanda kuti undi swiilile eno. Mbuli Mukwesu McCullough mbwakali kunga ulaamba, "Ndila amba cintucimwi." Lyoonse bikka Mwami kumbele lyako, nkabela utaciti cintu eco ncota keelede kucita mu Busyu Bwakwe, nkaambo Ula kulangilila. Mwabona? I Mwami uli bazungulikide abo ba Mu yoowa. Ta citi... Ula kkala buyo munsi lyako ncobeni. Elyo Uli zyi zintuzyonse nzo cita, alimwi weelede kuziba ceeco. Cindi watalika kwaamba bubeji, uta ciciti, koyeeya, Leza ula kuswiilila. Ikuti na watalika kweena kuniini, uta kuciti, Leza uli kubwene. Ikuti na watalika ku bweza Zina Lyakwe mubuyo, uta ciciti, Leza ula kuswiilila kuli nduwe. Katalika kufweba musanga watombwe, Ula kulangilila. Wabona? Bwakwe... Twa kali kwiimba lwiimbo, "Lweendo lonse mu mugwagwa ku makkalilo eni a buntu, kuli liso liku langilila; ntaamu yoonse njo bweza, eli liso pati lilalanga, kuli liso liku langilila." Amuyeeye, kucita mbuli Davida, kobikka Mwami lyoonse kumbele lya meso ako. Mpawo moyo wako uyo sekelela a mubili wako uyo pumuna mu bulangizi, nkambo Wa ka cisymezya. Iiyi, munene. Wa kalizi kuti uyo buka nkaambo Leza waka cisymezya. Yaa.

⁷⁶ Cindi twa boola mu Busyu Bwakwe, tula cincwa, kutaba mbubonya. Amulange muciindi coonse ca makkalo, a bweende boonse bwa buumi, ku muntu. Amulange Abrahamu. Yebo wati, "Ee, buumi bwakacinca mbwa bakutausi buyo." Oh, peepe. I buumi bwakacinca mbwa bantu boonse. Mwabona?

⁷⁷ Lino, Abrahamu wakali mulimi, pele cindi na kamvwa Jwi lya Leza kali kanana kuli nguwe, a kubona cilengaano eco, wa kali muntu waka cincwa kuzwa ku ciindi eco kuyabuya. Wa kalyandaanya mwini kuzwa ku mukowa wakwe, kuzwa ku balongwe bakwe boonse, a kweenda mbuli muzwamasi a mweenzu, mu cisi ceenzu, buumi bwakwe boonse, kakkala mu matente, nkaambo waka lyaambilila caantangalala kuti wakali kuyandaula muunzi oyo wa Muyasi a Sikuucita wakali Leza. Wa kalizi kuti kwakali Leza, alimwi kwakali munzi kubusenabumwi Oyo wa Muyasi a Sikuucita wakali Leza. Eco ncencico ba Hebrayo 11 nco yaamba kuli ndiswe, kuti wakali kuyandaula muunzi oyo wa Muyasi a Sikuucita wakali Leza. Wa

kali muntu uucincidwe, nekubaboobo takali cintu pele mulimi buyo. Pele wa kabona cilengaano a kunjila mu Busyu bwa Leza, nkabela wakali muntu uucincidwe kuzwa waawo.

⁷⁸ Musa, wa kali mweembezi, pele wa kali muntu uucincidwe cindi na kanjila mu Busyu bwa Leza. Wa kali mukandu, wa kali kutija kuzwa kuli Farao, kajisi impi yoonse kunze lyakwe. Pele a kasako mu janza lyakwe, wa kajokela a kubweza cisi coonse. Mwabona? Nkaambonzi? Wa kaboola mu Busyu bwa Leza. Wa kali muntu uucincidwe, i mweembezi.

⁷⁹ Petro, muzeli wanswi, taakwe ncakazi kujatikizya kuzela nswi...na takazi cintu kujatikizya Leza, cintu biyo antela nca kaziba yakali nzila ya kujata nswi. Pele cindi na kanjila mu Busyu bwa Leza, a kabona Cilenga mupati Oyo wakali kukonzya kulenga nswi, cindi Na kamwaambila kulosya manyandi kuti azube. Kwakanyina inswi noiba yomwe alya, wa kakwela buyo manyandi akwe atala. Pele wa kat, "Ku Ijwi Lyako, Mwami. Nda syoma kuti Uli Mwana wa Leza, elyo ikuti na Wa lekela...ikuti na Nda losya kanyandi, Wa ndaambila kucicita; ku Ijwi Lyako, nkaambo Yebo a Ijwi Lyako ncimwi, Nda losya kanyandi." Elyo cindi na katalika kukwela, wa kat, "Tantamuka, Mwami, Ndili muntu sizibi." Mwabona, muzeli wanswi, Petro nakamana kuswaana Kristo takacili mbubonya pe. Walo, kumane, wakali kasimpe loko kuli Leza, wa kapegwa zjaluzyo zya ku Bwami. Iyi, munene.

⁸⁰ Paulo, Mufarisi sikulibanda mwini, kaiya a kwiiya mu bukombi boonse bwa i...obo bwakali mu inyika mu buzuba obo, umwi wa basicikolo bapati maningi mu cisi. Pele cindi na kaboola kumbele lya Musumpululu wa Mulilo buzuba bumwi, Leza oyo ngwa kapenzya, cakutaziba. Wa kali Mufarisi, ta kasyoma kuti Leza wakali Muntu. Wa kalizi kuti Leza wakali Musumpululu wa Mulilo, Wa kasololela bantu Bakwe kuzwa mu Egepita, Wa kali a mbabo kuzwa kumatalikilo. Pele cindi na kabona oyu Musumpululu wa Mulilo, wa kawida ku meso akwe. Elyo wa kamvwa Jwi ka lyaamba kuti, "Saulo, nkaambonzi neco Ndi penzezya?"

Kati, "Nduweni Yebo, Mwami?"

Wa kat, "Ndime Jesu."

⁸¹ Wa kali muntu, oyo wakati, "Mwa kabbizigwa buti?" Wa kali mu Busyu bwa Leza. Wa kali muntu uucincidwe kuzwa waawo kuyabuya, wa kali mu Busyu bwa Leza. Bwa kacinca muntu.

⁸² Charles G. Finney, loya, loya mupati muna Philadelphia, pele cindi na kanjila mu Busyu bwa Leza wa kalosya lwiiyo lwa mulao wakwe akuba mukambausi singuzu maningi wa cisi eci neco baatalinaba aco.

[Kabeela katakwecintu aa teepu—Mul.]...wakali mukambausi, nkaambo buzuba bumwi wa kaboola mu Busyu

bwa Leza. Wa kayeeye, lomwe, wakali kwiiya mulimo. Muli lizyi bbuku lyakwe. Ndi kajisi kaano kabuumi bwakwe kakalembwa umwi. Wa kaunka kuyo komba. Wa kayeeya kuti wakali mukambausi. Wa kajisi kuyandisya, kuti wa kali kuyanda kukambauka, alimwi wa kajisi nkambauko zisyoonto nzyakali kuyanda kusola kukambauka. Wa kaunka buzuba bumwi, kuzwa mu ofesi lyakwe, kuyo komba, wakaunka mu zisaka. Wa kafugama kunze lya samu lyakaindi lyakausigwa, oko nkawakali kuunka masika onse. Mukombi kapati, pele takali kusyoma muli Ceeco.

Kwakali banakazi bobilo mu mbungano, baka zumanana kwaamba kuti, "Ba. Finney, tu komba kuti moyo tambula Muuya Uusalala."

Wa kati, "Ndi jisi Muuya Uusalala." Kati, "Ndili mukambausi."

⁸³ Kati, "Ba. Finney, uli muntu mulemu, nkabela ujisi kujatilila kupati kwa Ijwi, pele uyandika Muuya Uusalala. Tula kukombela." Banakazi baniini babotu.

⁸⁴ Aboobo wa kazumanana, kuyabuya. Aboobo buzuba abumwi nakali kuunka kunze lya ofesi lyakwe, simalela wakwe a boonse babo okuya bakali kubeleka abo, elyo inga wazwa mu ofesi lyakwe lya mulao a kuunka okuya kuyo komba. Elyo buzuba bumwi wa kali kubusena kapaila nkabela wakamvwa kutyoka kwa ziteo. Wa kali kuyeeya kuti simalela wa wakasika, ka muyandaula. Wa kasotokela mujulu cakufwambaana loko. Wa kali kwaamba, "Mwami Leza, Nda Ku syoma." Elyo kutyoka kwa ziteo, wa kajana, "Uhm! Uhm! Uhm!" wakabuka a kuti, kalanga konse, kubona eco cakatyola ziteo. Elyo mpawo cakali ciindi nakasika mu Busyu bwa Leza. Wa kaziba kuti ezyo ziteo zyaka tyokela bukanze. Wa kaima awo, misozi kiimbulumukila aa masaya akwe. Wa kati, "Ndiza balo banakazi bali luleme. Nda usa nsoni ku muntu umwi kundi bona nkeambaula kuli Leza wangu, pele Nda kali kuyeeya kuti wakali lulemeko ku muntuumwi kundi bona nkeambaula kuli simalela wangu." Mupati buti maningi Mwami wangu kwinda simalela wangu!" Kati, "Mwami, ndijatile a kundizuza a Muuya Uusalala," katalika kukwiila a koongolola. Wa kali mu Busyu bwa Leza. Wa kazuzila akati kadolopo cakufwambaana loko kuya ku ofesi yakwe. Wa katalika koongolola canguzu loko cakuti wakainka kunze lya citendele, wakati, "Mwami, Njo leta sampa ali Nduwe. Kondi sisu kusule awa mane Ndi mana kuvumwa oko." Nkaambonzi? Wa kaboola mu Busyu bwa Leza. Wa kali muntu uucincidwe. I nkambauka nzya kali kukambauka, wa kabakambaukila nkambauko nzizyonya nkabela bantu bakasika ku cipaililo. Mwabona, wa kali mu Busyu bwa Leza.

⁸⁵ Moody, sikubambulula muubauba wa mabbusu, wata kazi ma ABC akwe. Mbo mbubo. Bwaambe bwakwe bwacisyobo

bwakali bubi. Muntuumwi waka mwaambila buzuba bumwi, “Bwaambe bwako bwa cisyobo bulaansi loko, Ba. Moody.”

Wa kati, “Pele Ndi wina bantu a mbubo.” Aboobo . . .

⁸⁶ Buzuba bumwi mitende, mulembi wakainka kuyo lemba mutende. Wa kainka kuya kubona nzila muntu oyu mbwa konzya kujata makamu aa bantu kensi lya ziimo zili zyoonse, mulombwana wakaindi muubauba, walubala, a zintuzyonse, alimwi waka jisi malezu kalengelela ansi eni, ubaanga ngwa kada mbuli mupika, alimwi wa kali muntu uboneka kuyoosya kulanga. Aboobo oyu mutende waka mulemba nconzyo, kati, “Nse boni eco mu inyika umwi ncanga wabona mu Dwight Moody.” Kati, “Uli galankene, jwi lyakwe lili kaama, uli jisi malezu asika kensi lya cikungu cakwe, ula bbuwa aamutwe mbuli cipusi.” Elyo kati, “Mbobuti mu inyika muntu uli oonse mbwa konzya kusola kubona cintu cili coonse muli Moody.”

⁸⁷ Aboobo mweendelezi wa Moody waka citika ku cibona, kati, “Langa, Ba. Moody, Ndila cibala eci kuli nduwe.” Moody taka konzya kucibala lwakwe. Aboobo wa kati, “Njo kabalila bulembo.” Elyo wa kabulemba.

⁸⁸ Moody wakapusya makuko akwe, kati, “Nee ncobeni, ba boola kuzo bona Kristo.” Kwa kali koonse. Nkaambonzi? Wa kali mu Busyu bwa Leza. Kuzwa kukubamba ndyato zya mabbusu, zya bantu boonse kuzakala; wa kasamika bantu amabbusu a Makanimabotu aku libambilia. Nkaambonzi? Wa kali mu Busyu bwa Leza. Mbubo.

⁸⁹ Mwanakazi muniini ciindi cimwi waka njila mu Busyu bwa Leza, akuzulwa mbuli mbwa kali kukonzya kuba. Mu kaindi kaniini cindi na kaziba kuti waa kali mu Busyu bwa Leza, cibi coonse caka jatilwa alimwi waa kali kusalala a kutuba mbuli mpana. Oh, ma! Mbangaye bantu bambi Mbe konzya kwiita awa, ciindi inga tii cazumizya.

⁹⁰ Pele Ndi yanda kwaambaula aniini kujatikizya lwangu. Ncinzi cakali kunooba cuubaukide kwinda ndime? Ino Nda kali kuli? Kazwa mu mukwasyi wa bakolwi, kazwa mu mukwasyi wa bajayi, kwazwa mu mukwasyi wabasambala zyakunze acuulu. Elyo mulizi kuti, umwi aumwi wanu uli zyi, ulizi musyobo wa zina ndyo twa kajisi okuno. Bantu teeba kali kukanana kuli ndiswe mu kagwagwa. Nda kali kuunka akati kadolopo, kwaambaula ku muntuumwi, taakwe waali kwaambaula kuli ndime cita muntuumwi waatali wamu busena. Niba kali kwaambaula kuli ndime, muntuumwi umbi nakasika, bakali kunga bandi siya. Elyo inga Nda ima awo a kulila, “Peepe, eci tacili boobo, ta cikonzyi kuba boobo. Eci cili lubide.”

⁹¹ Pele buzuba bumwi Nda kaboola mu Busyu bwa Leza. Wa kandi cinca a kundi bamba kuba musyobo uumbi wa mwana. Luzyalo lwakwe lwakandileta mu Busyu Bwakwe. Nse kayanda ku Bu siya. Nda kali omu lino kwa myaka ili

makumi otatwe yandeene. Nse yandi ku Bu siya. Ndi jisi kaanzambwene kakuti Njo oba lyoonse Okuya. Alwalo lufu lwini talu kandi pambuli kuzwa ku Busyu Bwakwe. Peepe. Njo oba a Nguwe kwalyoonse. Cindi Ne kabona Busyu Bwakwe ciindi citaanzi, Nda kalila mbuli Isaya, "Maawe kuli ndime." Mpawo Wa ka ndiguma a luzyalo Lwakwe. Nda kali muntu uucincide. I muzangi muniini oyo wakali kunga ulazwa awa a kulilemeka bumwi a zintuzyonse, zya kacinca, elyo kuzwa ciindi eco mpawo Nda kali mwana Wakwe. Kuzwida eelyo, Nda kayandisya kupa buumi bwangu bonse ku mulimo Wakwe, Ndi lombozya buyo kuti nekajisi maumi ambi ali zyuulu zili kkumi aakupa kuli Nguwe. Obu buya buzakala kapati eno, myaka ili makumi osanwe ayotatwe yainda. Kutandila makumi otatwe ayeeyo yakaliko, na makumi otatwe ayobile ya yeeyo mu Makanimabotu. Nda lombozya Ne kajisi cuulu cimbi Nce konzya kubelesya. Nkaambonzi? Cindi Ne kali mu Busyu Bwakwe lomwe akuziba kuti kwakali Muntuumwi Oyo wakayanda batakwe buyande, kwakali Muntuumwi wakandi yanda cindi nekwanyina umwi wakacita, kwakali Muntuumwi Wa kandi mamela cindi nekwanyina umwi waka mamela. Nda kabikka maboko angu aa ciingano Cakwe, Nda kacibukata kuli ndime, a mebo a Nguwe twakaba bomwe mpawo. Elyo kuzwida waawo Nda ka Mu yanda. Wa kananika camba cangu a moyo wangu kubelesya Bulowa Bwakwe, ku kundi guma akujatila zibi zyangu, alimwi Ndili kkomene sunumasiku kuba umwi Wakwe. Nse yandi kusiya busena obu Bwakujulu, nekubakuti sikusunka wakasola kanji kundi sungilizya; pele Ndili kwabilidwe mu cilawo ca mayake aa Leza, a kukkomana mu luyando a luzyalo Lwakwe, alimwi Ndi ponena ku lubazu lwa aleluya. Ma! Ci bamba moyo wangu kukkomana.

⁹² Ndi kulwaizya muntu onse ukatede kuli Nguwe. Ndi kulwaizya nduwe uutakwe bulangizi kuli Nguwe. Yebo otanaba mu Busyu Bwakwe, cintu biyo ncoelede kucita nku lyaambilila zibi zyako akuziba kuti toluzi, alimwi Leza uli jisi oyo Angelo wakasalwa sunumasiku, uutegwa Muuya Uusalala, uyo gwisywa zibi zyako zyoonse. Mpawo uyoompolola, "Mwami, mpaawa Mpendi, kondi tuma." Mpawo moyo tambika maanza anu a kwiimba, "Ndiyo Mu lumbaizya! Ndiyo Mu lumbaizya! Amulumbaizye Kabelele wakajailwa basizibi. Amu Mu pe bulemu, nywebo nyoonse nobantu, nkambo Bulowa Bwakwe bwakasanzya twiimba toonse." Nda Mu yanda. Ula cita? Kupona mu Busyu Bwakwe!

⁹³ Nda boola ku cikambaukilo okuno cifumo cino, nkelimvwa bubi loko a kuciswa loko kuzwa... Nda—Nda kali kumusanza mu Kentucky mvwiki yainda a beenzuma bangu bageme bakkede awa. Ikuti na Nda kakkala kunselelo okuya kwa ciindi cilamfu loko, niba kandi jaya, inga bacita masimpe, a buuya, bamwi bajiki bainda Mbe kasola kuziba mu buumi bwangu. Elyo

cindi Nda sika kukukkwana kwangu, kula indila kulongelwa, "Mukwesu Branham, sa toko tambula zimwi ezi?" Alimwi ncibotu loko, Ndi sola buyo ku cisyonkela ansi. Ndila kkuta loko cakuti Nse konzya akweenda. Nse—Nse konzyi koona, alimwi Nda kali kunga ndabuka akweenda konse asyoonto. Elyo tii Ndali kulimvwa kabotu loko cindi ni Nda sika omuno cifumo cino. Pele lomwe Ne kasika mu Busyu Bwakwe, eco cacimana. Eco cacimana, coonse camwaika mpawo. Mbo mbubo. Oh, kupona mu Busyu Bwakwe!

Ndiyo Mu lumbaizya, Ndiyo Mu lumbaizya,
Amulumbaizye Kabelele wakajailwa basizibi;
Amu Mupe bulemu nywebo nobantu nyoonse,
Nkambo Bulowa Bwakwe bwakasanzya
twiimba toonse.

Atu kotamike mitwe yesu lino.

[Mukwesu Branham wang'ung'unan *Ndiyo Mu Lumbaizya*—Mul.]

Nkambo Wa kandi citila kunji loko;
Wa kalekelela nsotoko zyangu;
Elyo Bulowa Bwakwe bwakasanzya zibi
zyangu.

Ndiyo Mu lumbaizya, Ndiyo Mu lumbaizya,
Amulumbaizye Kabelele wakajailwa basizibi;
Amu Mupe bulemu nywebo nobantu nyoonse,
Nkambo Bulowa Bwakwe bwakasanzya
twiimba toonse.

[Mukwesu Branham wang'ung'unan *Ndiyo Mu Lumbaizya*—Mul.]

⁹⁴ Lino ikuti na uli omuno sunumasiku... Elyo Ndi lizi kuti Busyu Bwakwe buli waano. Nkeimvwi omuya kaindi kainda, ku musimbi muniini wa Mbungano ya Leza, i Muuya Uusalala waka njila aali ndime ciindi ni Nda kali kukombela mwana oyo muniini. Bazyali bakaselemuka kuzwa ku mabbuwa azivuka zya Mbungano ya Leza iya Anderson. Alimwi mulinguzi wabonse okuya, mu kuziba mwana, bamadokotela bakati, "konzya... weeleded kufwa cakufwambaana, ku cilwazi ca leukemiya." I musimbi muniini, mubotu, mu zibeela zyakwe zyamamanino lino. Waa kajoka okuya aku tambikizya janza lyakwe liniini kuli ndime, lyakali zimbide konse, a manyeleti a zintu muli ndilyo, a bbulu. Nda kalanga aali nguwe, Nda kabona cilengaano. I bazyali bakali kubala buyo bbuku okuya. Taakwe cintu nco bakazi kujatikizya ncico. I mulinguzi wabonse ku cilabba kutala okuya waka baambila, kati amu lete mwana kumusanza okuno. Ba kali kuyanda kujoka cindi ni twa kajisi mulimo wakuponya. Elyo Nda kati, "Koleta mwana lino," kalimvwa kusololelwaa.

⁹⁵ Cindi ni Nda kaimvwi moonya omuya, Muuya Uusalala waka jokela ncobeni a kuleta makani akale aa mwana. Kaamba zyoonse kujatikizya nzila mbo cakacitika conse, eco nco bakacita. Kaamba bukanze bwa musimbi muniini, bwakali kuba sikulizya piyaano. Elyo banyina abo bakatandila buyo kukwiila. Elyo wisi oyo wakati, "Obo mbwini bwa Leza." Kakkede moonya mu mootokala eno kaswiilila kuli mbubo, takonzya kunjila, ukkede alya kabuswiilila lino.

⁹⁶ Mpaawo kwa kaboola cisitilizyo cipati ca cimvule kacilengelela atala lya mwana. Elyo Nda kati, "Saatani, wa zundwa." "To lemeki ciwa ca muntu, Leza. Elyo ku nguzu zya bubuke Bwako, alimwi mbuli mulanda Wako, Nda binga dyabulosi oyu kuzwa ku mwana." Ii Mumuni mupati uumweka waka mweka atala lyakwe, kwa kamana. Ameni. Huh? Masimpe, Uleelwelwa kulumbaigwa koonse!

⁹⁷ Uli zyi zintu zyoonse. Uli zyi moyo wako. Alimwi ulizi eco nco yeeya; Ula cita, awalo. Ikuti na kuli cibi ciniini cilengelela aali nduwe sunumasiku, nkabela inga toyanda kunjila mu Busyu bwa Leza a ceecho aali ndinywe, sa lomwe alimwi inga watambika janza lyako a kuteeti, "Mukwesu Branham, kondi kombela, Ndi yanda kuyooba mu Busyu Bwakwe ku Buzuba obo, butakwe bubi." Leza amu longezye. Maanza manji, Leza ula libona. Mu Busyu Bwakwe. Lino Nda kwaambila cakucita. Lino swiilila buyo kabotu. Ndila ciyanda Davida nca kacita, bikka Mwami kumbele lyako ndyoonya lino. Bikka Mwami akati ka nduwe a cibi eco, kufumbwa eco cibi ciniini cinyonganya mbo cibede. Kwayanda nca kubeba, kwayanda nca kubba, kwayanda nca kuyeeya bubi, kwayanda nca lunyemo, ndiza nkunywa, ndiza nkufweba, ndiza nkooma njuka. Ta ndizi cintu. Inga caba cisusi. Inga caba kufumbwa cintu. Ta ndizi mbo cibede. Kufumbwa mbocibede, bikka Mwami kumbele lyako. Elyo mpawo moyo wako uyo sekelela, alimwi mubili wako iyo pumuna mu bulangizi, nkambo mulizi kuti Kristo wakasyomezya kuteeti Uyo buka alimwi mu mazuba aakumamanino. Cindi Aku yutuka, tuyoo boola mu cinkozya Cakwe. Sa tamu kociciti lino, kuciindi notu komba?

⁹⁸ Taata wesu Wakujulu, Mulumbe muniini wakosaulwa kwinda ku mulanda ukatede akudekela. Pele kuyeeya buyo aa ciiyo ca "kukkalila mu Busyu bwa Leza." Elyo twa bona sunumasiku nguzu ngo zyakaleta aa bantu basalala baasika mu Busyu Bwako, ezyo nguzu ngo zyakaleta ali mbabo. Basongo, basinsimi bapati benguzu bakasalwa aa Leza, akutumwa kuyo kambauka Ijwi, elyo nekubaboobo ku Mu swaana busyu a kuwida aansi mbuli muntu uufwide. Ino tuyoo cita nzi ku buzuba obo, Mwami? Twa ka ciyeeya koonse. Twali kuciyeeyaa. Maanza aali makumi one na makumi osanwe aciyeeya, Mwami, nkambo batambika maanza, na myoyo kunsi lya maanza, bali kuyeeya

kujatikizya kuswaana Nguwe kuzwa ni twali ku kanana. Ino bayo cita nzi ikuti na baka Mu swaana?

⁹⁹ Maanza angu, Mwami, ali mujulu. Ino Njo cita nzi? Lino, Taata, Ndi jisi zintu zinji ezyo Nze lubizya. Nda zwaa kwaamba cibi cangu cifumo cino kumbele lya mbungano, mbuli Mbwe kacaamba kuli Nduwe atala lya mulundu cifumo cimwi cindi nilyakali kuunga a kuloka caanda alimwi alya atala lya mulundu, obo Mbwe koongolola aku Ku lomba kundi jatila bufuba bwangu. Alimwi obo Mbwe kasika cakuyoowa kumbele lya bakwesu bangu, balo bamwi bandi langanya mbuli mulanda Wako musinsimi. Elyo, Mwami, obo mbo Nda bijilwa kuboola kumbele lyabo a kubaambila mucito wa bufuba kuti Nda cita cintu mbuli ceeco, pele, Leza, ncibotu ku buntu bwangu kuti Nda zyaamba zibi zyangu a kuta zisisa. Aboobo kuba uusyomeka kuli Nduwe, alimwi nkoonya kumbele lya bantu, Nda caamba, Mwami. Ndili lubide, Ndili lubide cakumaninina. Nda lomba kujatilwa.

¹⁰⁰ Elyo mpawo, Taata, Nda kali mulenga maningi kujatikizya Nduwe, ku kubelekela Nduwe, ziindi zinji ndiza Nda kali kukonzya kuunka ciindi cilamfu ni Nda taka cicita. Taata, Nda zyaamba zibi zyangu. Ndi yanda Angelo wa Leza kundi salazya kuzwa kuli ceeco, kwiinda ku Bulowa bwa Jesu. Maanza amwi atambika sunumasiku, bamwi babo ambweni tabana lomba kujatilwa kumbele; pele Ndili masimpe ku cintu eci comwe, ikuti na tuyu lyaamba zibi zyesu, Leza uyo zimwaya, aku zibikka mu lwizi lwa kuluba, akuta ciziyeeya limbi–limbi. Elyo, Taata, mbuli Mbwe amba zyangu, kujatikizya katalilemeka kabotu kunembo lya bantu, Nse kalibweza mbuli mulanda wa Kristo. Nse kacita. Nda kali kuyoowa kuti bantu inga bandi nyemena a kuyeeya kuti Nse kali kuyanda kucisa kulimvwa kwakwe, pele Nse kayeeya eco Nce kali kuyocita kuli Nduwe, Mwami. Elyo lino Nda—Nda komba kuti Undi jatile. Elyo lino, Taata, Ndi lizi kuti na Nda lomba kujatilwa Ndi jisi kujatilwa, alimwi Wa kazibikka mu lwizi lwa kuluba, nkabela To cikayeeyi limbi. Leza, Ndili lumbide kuli ceeco.

¹⁰¹ Elyo Nda komba kuti Uyo lekela bantu boonse awa, abo bajisi cibi, cibi cinyonganya cili coonse kumbele lyabo, akube kuti ba cigusye a kubikka Mwami kumbele lyabo mbuli Davida mbwa kacita. Nkambo eno twa oompolola, “Maawe kuli ndime, nkambo Nda kabona Bulemu bwa Leza. Ndili mwaalumi wa milomo iitasalali, na mwanakazi na musimbi wa milomo iitasalali, mulombe, na cintu cimwi.” Kufumbwa mbo tukonzya kuba, tatu salali, nkabela twa lomba Bulowa bwa Jesu Kristo, Cituuzyo ceelela, ku tusalazyza kuzwa ku zibi zyoonse, kuti tu kkale mu Busyu Bwakwe. Atu unke kuzwa awa sunumasiku a myoyo yesu kiitangala, alimwi mibili yesu kiikkede mu bulangizi, mukuziba ceeci, kuti cindi Jesu akusika, tuyu busigwa a Nguwe mu bukozyanye Bwakwe, akuyo Mu

swaana mu mulengalenga, mu Kukwempwa, cindi kkauntidauni yaakumana kumalekelo. Tula bona bukkalo bwa mbungano yaciloba bwa balwa kale, alimwi tuli libambilide lino kuuluka. Twa komba, Leza, kuti Yebo, Yebo kotana jala mulyango, ikuti na kuli umwi awa sunumasiku utana njila, akube kuti babindile mukati cakufwambaana loko, nkambo tu limvwa kuti mulyango wa luse, aakati ka luse a lubeta, uli mukujalwa. Abo bayo zumina luse bayo njila. Abo bata kanjili bayo elela kupengaana lubeta. Leza ujala mulyango. Akube kuti kutabi mulyango uujalilidwe sunumasiku kuli umwi aumwi wa basizibi aba balyaamba. Akube kuti toonse tujatilile a luse. Mu Zina lya Jesu Kristo.

¹⁰² Elyo lino, Taata, nkambo ka balwazi a bapengede, kuli baabo babulide, Nda komba kuti luzyalo Lwako lukabape koonse oko nko babulide. Akube kuti banjile muli Kristo, mu Busyu Bwakwe. Bikka Kristo, Kristo, cisyomezyo, “Wa kayaswa nkambo ka nsotoko zyangu,” ezyo nzipego zyangu. ‘A mibunda Yakwe Nda ponesegwa,’ mpawo Nda bikka Mwami kumbele lya kuciswa kwangu. ‘Uli ku janza lyangu lyalulyo, nkabela Nse ka sunzigwi,’ mpawo Nde enda acamba, nke lyaambilila kuti Nda ponesegwa. ‘A mibunda Yakwe Nda ponesegwa.’ Ko cipa, Mwami, kuli umwi aumwi wabo. Elyo tu lizi kuti na twa lyaambilila a myoyo yesu alimwi, na a milomo yesu, a kusyoma mu myoyo yesu, mpawo tu tambula kuyanda kwesu.

¹⁰³ Wa kati, “Cindi mwaamba cili conse, amu cisyome kuti ciyo citika, inga mwatambula eco nco mwalomba.” Tula syoma obo, Taata, a kusyoma kuti Uyo tusalazya kuzwa ku zibi zyesu zyoonse, a kuponya malwazi esu oonse, a kutupa luzyalo, Mwami, ku kubelekela Nduwe.

¹⁰⁴ Koba a bantu aba. Bunji bwabo bayo enda mu migwagwa ya mudima sunumasiku. Bunji bwabo bayo enda mamaile manji. Uta lekeli cintu kucitika kuli mbabo, Mwami. Bala boola kuzwa ku cisi conse kuzo kkala awa akuswiilila kkauntidauni, kubona mbo twakali munsi ku ciindi camamanino. Lino Nda balomba kuunka, kubikka Leza kunembo lyabo, lyoonse kunembo lyabo, kakutanaba cili conse cimbi. Kunembo lya nyendo zyabo, kunembo lya kweenda kwabo, kunembo lyabo... kunembo kabatana nyamuka, ba mana kuya ku bulo, lyoonse kabatana koona, kufumbwa mbo cibede, kubikka Leza lutaanzi! “Nkambo Uli ku janza lyangu lyalulyo, nkabela Nse ka sunzigwi.” Mpawo akube kuti myoyo yabo itangale, kuziba kuti bali jisi eco ncoba lomba, nkaambo Leza waka cisyomezya, alimwi mibili yabo iyo pumuna mu bulangizi. Ko cipa, Mwami, nkambo twa cilomba mu Zina lya Jesu Kristo. Ameni.

Ndiyo Mu lumbaizya, Ndiyo Mu lumbaizya,
Amulumbaizye Kabelele wakajailwa basizibi;
Amu Mupe bulemu nywebo nobantu nyoonse,
Nkambo Bulowa Bwakwe bwakasanzya
twiimba toonse.

¹⁰⁵ Lino sena ula syoma kuti wa bikka Mwami aakati ka nduwe a cibi cako, aakati ka nduwe a malwazi aako, akati ka nduwe a kampenda akako, akati ka nduwe a nzila zyako? “I Mwami lyoonse uli kumbele lyangu, alimwi Ndili mu Busyu Bwakwe. I ciindi citobela Nda talika kudoneka musanga wa tombwe, Mwami uli kumbele lyangu. I ciindi cicilila Nda talika kuba cisusi, Mwami uli kumbele lyangu. I ciindi citobela Nda talika kwaamba cintu cili coonse cilubide, Mwami uli kumbele lyangu. I ciindi citobela Nda talika kwaamba cintu cibyaabi, Mwami uli kumbele lyangu. Elyo Nse ka sunzigwi. Ameni. Njo ponena mu Busyu Bwakwe abuzuba, a kubeleka kwangu, abuzuba a mubandi wangu. Njo enda mbuli kuti Mwami uli kumbele lyangu, nkaambo sunumasiku Nda ka Mu bikka kumbele lyangu. Nse ka sunzigwi pe.” Mula Mu yanda?

¹⁰⁶ Lino, atwiime eno. Oh, Nda limvwa buyo kabotu ncobeni. Ndi mvwa buyo mbuli kuti ta Ndi yandi kuya ku muunzi. Elyo mulizi kutandila biyo maminiti ali makumi obilo aosanwe kuya ku naini, Nda fwambanisa kutandila maora obilo. Sa tacili cibotu loko? Oh, ma! Pele lino mbuli mbo tuzwa, atu yeeye, twe elede kubweza Zina lya Jesu a ndiswe, mbuli ntobo kuzwa ku tooze toonse. Elyo cindi masunko kutu bungilila...kusola ku tubamba kuyeyea eco, koamba buyo Zina eelyo lisalala mu mupailo.

Ko tolelela Zina lya Jesu,
 Mwana wa buusu a mapenzi;
 Liyo kupa lutangalo a luumbulizyo,
 Oh, koli Tola koonse nkoya.

Zina Liyandisi, (Zina Liyandisi!) O mbolili
 bbotu!
 Bulangizi bwa nyika a lutangalo lwaku Julu;
 Zina Liyandisi, (Zina liyandisi!) O mbolili
 bbotu!
 Bulangizi bwa nyika a lutangalo lwaku Julu.

¹⁰⁷ Mbangaye bamubotelwa mweembeli wesu, Mukwesu Neville? [Mbunga yaamba, “Ameni.”—Mul.] Sa tamu lumbide ku Mwami ku muntu, mubotu uusyomeka, mazuba oonse, uusyoma Makanimabotu? [“Ameni.”] Alimwi ucita ncito mbotu loko ku kuswiilila Milao ya Leza, a kukambauka Ijwi a kubamba bube obu upati bwa kumuuya mu mbungano ciindi coonse. Amuyeyye, Nda kaselemuka ku Nkomwe ya Kujwe, kainka koonse ku Musanza, a kutala lya Nkomwe ya Kumbo, alimwi kwiinda mu Canada, alimwi Nse na swaangana mbungano yomwe ya kumuuya mbuli mbungano eyi mpoonya awa. Zya kainka kuba mbuto, inzya, na ciimo cakwiindilizya, nakuleya kwa kubbutumukila mu kulilemeka kutali kabotu, na kuba batontola loko cakuti taba konzyi buya kweenzegwa. Kwa mana.

¹⁰⁸ Lino, sena mula yandana? [Mbunga yaamba, “Ameni.”—Mul.] Oh, amusukane maanza umwi aumwi, a kwaamba, “Alumbwe Mwami.”

¹⁰⁹ [Mukwesu Branham wasukana maanza a bantu—Mul.] Alumbwe Mwami. Alumbwe Mwami. Alumbwe Mwami. Alumbwe Mwami, mucizi. Alumbwe Mwami. Botelwa waliko okuno, mukwesu. Alumbwe Mwami, mucizi. Leza aku longezye. Ncibotu. Leza aku longezye. Tula cita. Leza aku longezye. Ndi cizi neo bulide. Leza aku longezye. Leza aku longezye.

Ko tolelela Zina lya Jesu,
 Mbuli Ntobo kuzwa ku tooze toonse;
 Cindi masunko aaku bungilila, (Ino ucita nzi?)
 Koamba Zina eelyo Lisalala mu mupailo.

Zina Liyandisi, (Zina Liyandisi!) O mbolili
 bbotu! (O mbolili bbotu!)
 Bulangizi bwa nyika a lutangalo lwaku Julu;
 Zina Liyandisi, (Zina Liyandisi!) O mbolili
 bbotu!

Bulangizi bwa nyika a lutangalo lwaku Julu.

¹¹⁰ Atu kotamike mitwe yesu lino. Cabuteteete loko, tu talubi eco eno. Atwiimbe kampango ako alimwi.

Ko tolelela Zina lya Jesu, (Ndyia nzi?)
 Kuba Ntobo kuzwa ku tooze toonse; (Cindi
 Saatani asola ku kuteya kooze.)
 Cindi masunko aaku bungilila, (Ino ucita nzi?)
 Koamba buyo Zina eelyo Lisalala...
 (“Nkambo Mwami uli kumbele lya busyu
 bwangu; Nse ka sunzigwi!”)

Zina Liyandisi, (Zina Liyandisi!) O mbolili
 bbotu!

Mukwesu Neville. 

62-0909E Mu Busyu Bwakwe
Branham Tabernacle
Jeffersonville, Indiana U.S.A.

CHITONGA

©2024 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubellesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa mucimo cipati, kubikwa aa webbusaiti, kuyobelwa mu ciyanza cakujokolosya, kusandululwa mu misyobo iimbi, na kubellesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org